

Gaspar Keynes


1025. **LISTER**, Martinus. **Novae ac curiosae exercitationes** et descriptiones **thermarum** ac fontium medicatorum **Angliae**, eorum originem, salubrem usum et potationis modum tradentes. 6 leaves, 156 pp. *With folding-plate and nice frontispiece.* 12mo. Old boards. London, Walter Kettilby, 1686. 30\_ ~~Fr. 50.~~—


Brunet III, 1098. Rare edition (not quoted by Lowndes) of this early book on the effects and successes of English mineral springs.

Martin Lister (1638—1741), who was also an eminent naturalist, practiced at York and London. He was physician to Queen Anne.

1944







MARTINI LISTER,

*è Societ. Reg. Londin.*

Novæ ac Curiosæ

Exercitationes & Descriptiones

**THERMARUM**

**A C**

**FONTIUM**

Medicamentorum ANGLIÆ.

Eorum originem, salubrem usum & potationis modum tradentes.

*Editio ultima auctior & emendatior.*



**L O N D I N I,**

Impensis WALTERI KETTILBII, ad

Insigne Capitis Episcopalis in Cœmitterio

*D. Pauli, 1636.*



2-89:02006

UNIVERSITY  
LIBRARY  
CAMBRIDGE





Florentissimæ Academiæ

**OXONIENSI;**

OB

**Viros egregie Doctos ;**

OB

Bibliothecam instructissimam,  
Literatorum transmarinorum

Desiderium & Invidiam ;

OB

Theatrum suâ arte conspicuum ;

ET

**Antiquis Marmoribus,**

quibus undiq; stipatur,

**suspiciendum;**

A 3

OB

OB  
Infinita alia, de quibus  
Multa & Magna sua volumina extant,  
CELEBERRIMÆ.

Item,  
Quòd Philosophiam veram &  
Experimentalem  
Plurimorum seculorum partum, jam diu,  
ut omnia bona, foverit;  
Quòd rebus Naturæ, & Artis servandis  
Musæum,  
Totius Europæ longè magnificentissimum,  
nuper ædificaverit;  
Quòd me quoq; voluerit ex Suis esse,  
Has suas qualescunq; Exercitationes  
De Aquis Angliæ medicatis,  
ex grato animo,  
U. D. D.

*Martinus Lister. M. D.*

Lectori

# LECTORI

Salutem,



*P*riorem hanc qualemcumque de Fontibus Medicatis Angliæ Exercitationem habes: De quâ tamen edendâ multum diûque apud me dubitavi; adeo multa sunt, quæ me prohibuerunt. Ipsa quidem res; de qua, si scriberem, ita à nostris plerisque tractata est, ut iis litem inferre, rixasque movere necessario viderer: à qua tamen inurbanitate maximè abhorreo: At ipse quidem, hic ut alibi, præter facti rationem nihil prorsus affirmo, aut cogito. Illa enim perpetua veritas est; alia verò quæcunque etiamsi nunc nostra (si placeant!) dogmata mihi ipsi fortasse brevi displiceant: Quorsum igitur ea vehementer tuear, si cui importune



tuno minùs arrideant? Atque hæc  
quidem magna disputandi pertina-  
cia, ut opinor, Reipublicæ literariæ  
pestis & dedecus est. Deinde hæc  
olim, animi causa, incæpta, vix ullâ  
parte conficere per negotia licuit; nec  
per valetudinem, ut video, mihi un-  
quam licebit: si quæ tamen rectè di-  
cta, aut inventa sint, ea, etiam si im-  
perfecta, perire nolui. Adhæc. Quòd  
altera & potior Exercitatio à me  
vix designata est, eamque non nisi ex  
assiduo usu & longa locorum experi-  
entia satis intelligi non posse, ali-  
quando existimavi. Atamen vix  
tanti est, ut aliquis, universam ma-  
teriam Medicam spernendo, in aliqui-  
bus salibus, eorumque cognatis Gle-  
bis indagandis ætatem consumeret;  
ac si medicus non aliunde humano  
generi opem ferre potuisset. Porro  
plurimos ex insignioribus Angliæ  
fontibus medicatis ipse non adii; sed  
vel eorum aquam nobis advectam  
exami-



examinavi, vel ex istiusmodi aquarum Peritorum fideli narratione loquor. Idem Philosophi Parisienses fecerunt; iidem tamen omnium optimi hanc rem confecerunt.

Illud quidem, si quæ alia, in nostris incæptis novum est; scilicet & Ferri & lapidis Calcarii (certè similiter si vacasset) Historiam privatim per singulas eorum differentias deductam. Ad idem exemplum alia quoque Angliæ metalla accuratè distinguere, votum est.

Ut autem aliquid P. Guirio, de quibusdam Galliæ Fontibus novissimo Scriptori opponam, ejus Aluminis sal, de quo vehementer quidem disputat; post diligens examen D. Closei de iisdem aquis coram Philosophis Parisiensibus, minùs me movet. Deinde istiusmodi salium Crystallorum Figuras illum consuluisse oportuit; quod fieri tamen non potuit ex paucis alicujus salis granis. Item illud apud

eundem Autorem, præter omnium  
Opinionem, temerarium est, non dari  
Vitriolum viride sive Martis, cum  
aliud omnino è Pyrita naturaliter  
non nascatur; ipsique Pyritæ aliud  
non sunt, quam merum Ferri metal-  
lum. Ad reliqua autem (si quæ à  
nostris discrepant) ex ipsa Exercita-  
tione, siquidem nullam novam refu-  
tationem desiderant, optimè respon-  
detur.

Quos autem alii Ferrugineos, illos  
ipsos Fontes, nescio quomodo, atra-  
mentosos, ut video, appellavi: At illi  
ab aliis à sapore post Plinium, à me  
verò ab effectu, quem cum Galla ha-  
bent, ita nominati sunt.

INDEX

# INDEX

## Capitulum.

1. **S** Alium quatuor fossilium magis cognitiorum, scil. Vitrioli, Aluminis, halonitri, Salis marini, quintique minus cogniti Salis calcarii Figura & descriptiones.

2. De Ferri Venis : ubi non nisi unum in Anglia Pyriten, eumque ex toto ferri merum metallum esse demonstratur.

3. De Lapide Calcario.

4. Fontium quorundam medicatorum Angliæ brevis enarratio : ubi salium Crystalli universæ ad sal tantum commune, & nitrum calcarium referuntur ; Terrena verò gleba ad Ocrum & lapidem calcarium.

5. De origine rerum in Fontibus medicatis Angliæ repertarum.

6. Vitrioli generatio, ut ab Helmontio explicata est, refutatur ; item illa altera Philosophorum Parisiensium ; item Vitriolum factitium ullâ arte confectum.

7. Vitriolum maturum in aquis nostris medicatis rarè, aut nunquam reperitur ; at Pyriten in atramentosis ex totâ substantiâ liquari.



8. Fontium quorundam Petrificationis ratio.
9. Thermarum ratio è salibus Pyrita, & lapidis calcarii nascentibus, sive ipsis Pyritis & lapide calcario vegetantibus deducitur: alia sententia refutantur.
10. De Pluviarum ortu & materia.
11. Fontium ex sulphure foetentium ratio.
12. Varia quæ Fontes medicati Anglia à nostris scriptoribus comprehendere dicuntur, breviter examinantur.

DE



I

DE

Fontibus medicatis Angliæ ,  
Exercitatio , Nova & Prior.

---

CAP. I.

*Salium quatuor fossilium magis cognitorum ,  
sc. Vitrioli , Aluminis , Salis , Petræ , dicti ,  
Salis marini , Quintique minus cogniti , sc.  
Salis Calcarii Figura & Descriptiones.*

**S** Alia Fossilia matura, hætenus apud nos reperta, magisque cognita quatuor sunt: scilicet *Vitriolum* è Pyrite, *viride*; *Alumen*; *Sal commune*; *Nitrumque Salpetra dictum*.

Ad hæc autem *quintum genus* adjiciendum est, quamvis è minus cognitis est, tamen quod omnium longè copiosissimum est, meritò in hæc salium classe recensendum est, nimirum, *Sal, sive Nitrum Calcarium*.

Cùm verò horum omnium salium Figuras ab eorum crySTALLIS desumptas, diligenter descripserimus, de Medicatorum Fontium salibus, aliquid, ut opinor, mox certiùs statu-

A 2

statuemus; scil. Comparatione, inter salia utriusque generis, factâ.


*Vitrioli Descri-  
ptio.*

I. VITRIOLUM autem viride, è Pyxite ferreo nascitur; cuius maturæ & perfectæ *crystalli* perpetuò ex utraque parte mucronatæ sive acuminatæ sunt, & ex decem planis lateribus inæqualibus constant: scilicet, ex quatuor mediis planis pentagonis, & ad singula quæque extrema acuminata, terna plana triangula habent; perinde ut in Figura prima repræsentatur.

*Aluminis De-  
scriptio.*


II. LIXIVIUM è cremato *aluminis* metallo diuque servato percolavimus, siccavimusque. Id autem *Crystалlos* albas ad hunc modum Figuratas dabat; nimirum his Figura paululum compressa est, ex altera parte, quasi vertice dicas, planum sexangulum habet, ex altera & opposita parte sive basi plano similiter sexangulo insidet; ejus autem latera claudunt tria sexangula plana, quibus alternatim bina plana quadrangula interponuntur, ita quælibet integra *aluminis* *crystallus* ex undecim planis conficitur: Scilicet, è quinque sexangulis, & se-

1. *Vitriolum maturum.*  
4. *Salpetra*, quibusdam *immaturum* Rhomboid



urum .2. *Alumen* .3. *Sal vulgaris*, live coctilis. é fontibus Angliæ mediterraneis  
 isdam Halonitrum. 555. ca. Unius & eiusdem *Nitri Calcaru* variz Figuræ .6. *Vitriolum*  
 mboldes .7. *Sal vulgaris immaturus* .8 *Sal verè marinus*. sc. ex aqua marinâ concretus.







& senis quadrangulis planis : illa autem ipsa  
crystallus, quem descripsi, quinquaginta cir-  
citer grana pendebat. Vide *Fig. 2.*

N. B. Simplex autem & primaria univer-  
forum salium concretio benè, & diligentèr  
notanda est. Nam ubi ea diutius processit,  
crystalli quidem magnitudine augeri viden-  
tur : At id ferè fit plurium salium integro-  
rum & primariorum conjunctione quadam  
fortuita, unde veræ & naturalis Crystallo-  
rum figuræ confusio oritur.

*Salis communis  
Descriptio.*

III. *AQUA Marina* ad sic-  
citatem excoquatur, rursus ejus  
sal tantillo aquæ fontanæ diluatur, crystallos  
verè cubicas dat. Vide *Vig. 3.*

In medio verò superiore latere, sive pla-  
no, velut quædam perspicuitas observatur,  
puta à materiæ deficientia sive inanitate : re-  
liqua autem quinque latera solida & albida  
sunt.

Ipsas etiam easdem cubicas crystallos no-  
bis exhibuit, *salis nostri gemmei* dicti dilu-  
tum.

Idem expertus sum, de *sale communi*, è  
fontibus falsis mediterraneis nostræ Insulæ  
excocto.

De

De sale autem marino è sabulo in æstuario *Lancastriensi* confecto, illud porrò notavi, istiusmodi salem in ipsa maceratione antequam ignem coquendo expertus fuerat, in massam albissimam *striatam* concrevisse, haud aliter, quàm in Antimonio fuso, aut quodam lapide Gypsi, videre licet: hanc tamen ipsam massam aqua fontana dilui, & ex toto in Crystалlos Figuræ cubicæ concrevit, more cæterorum salium marinorum, jam nunc commemoratorum.

Sal autem marinus à sale Fontium mediterraneorum *Specie* omnino differt; atque adeo aqua marina ex toto genere à dulci distinguenda est; siquidem aquæ marinæ cryсталли ad singulos angulos præcisæ sunt, in singula plana triangularia, certè ex altera Tesseræ parte; Fontium verò falsorum cryсталли angulis integris sunt; quod à me primùm, quantum scio, jam nunc literis proditum est. Vide Fig. 8.

IV. NITRUM, quibusdam *Nitra Descriptio.* *Salpetra* & *Halonitrum* dictum, in cryсталlos sexangulas, tenues, longas, & æqualiter crassas concrevit. Hæ, inquam, cryсталли sua latera parallelogramma habent.

habent. Eædem autem desinunt, ex altera tantum parte, vel quadam acie, vel mucrone, pyramidis in modum acuminato, scilicet, ob varium positum duorum planorum laterum. Ex altera verò parte haud poliuntur crysalli, sed semper quasi præfractæ desinunt; idque moneo, ne Nitri Figura à me primùm delineata & evulgata, & à quodam, ut video nuper minùs rectè expolita, aliquem decipiat. Vide Fig. 4.

Notandum autem est, mucronem illum acuminatum, quem ferè ex altera parte uniuscujusque crysalli Nitri, ad modum coni figuratum esse diximus, ex ipsa prisini extremitate esse constitutum, & nullatenus ipsum prisini corpus extenuari; quod tamen multos de his Nitri crysallis incautè somniare video.

De simplici autem & primaria harum crysallorum concretionem loquor: nam fortuita quadam plurimarum coitione id aliquando evenire videtur.

At illa quidem differentia notanda est, quòd quæ sic fortuitò coeunt, eædem, si denuò aqua diluantur, in perfectam sui generis speciem tandem ex toto, reduci possint.

Præter



Præter crystallos verò sexangulares è *salis petra* diluto formatas, ibidem etiam non rarò (si id sal minùs purgatum sit) alias quoque crystallos cubicas multangulares, nescio quasdam reperies: & hæ omnes seorsim collectæ, ex nova solutione, vel in crystallos Nitri supra descriptas abeunt, vel suam originem, si alienæ sunt, fatentur.

Sal autem Nitri dictus in ignem impositus, illicò flammam tenuem concipit, & ex toto non sine strepitu absimitur, omnino nihil capitis mortui, aut Colcotharis, ut Chymici loqui amant, relicto.

V. Est præterea quoddam salis genus, quibusdam *Nitrum Murale*, nobis autem *Calcarium* dictum: quòd ferè è lapide calcario, tam crudo, quàm cocto in parietibus vetustissimis ædificiorum sponte nascatur. Hujus autem salis minùs cogniti (etiam si omnium salium fossilium, certè apud nos, frequentissimi, ) Figuram & Descriptionem ipse primus, quòd scio, jam nunc exhibebo.

Itaque hujus salis Calcarii crystalli tenues, longæque sunt; iisque mediis quatuor latera parallelogramma sunt, at ferè inæqualia;  
ex



ex altera verò parte, ipse mucro ex binis planis lateribus triangularibus formatur, ex altera, & adversa parte duo plana quadrata habet, perpetuò ad contrarium cum priore illa parte positum. Ex his verò crystallis majusculæ ad dimidium digitum longæ sunt. Vide *Fig. 5.*

Hujus autem salis aliæ nonnullæ varietates sunt, quod aliæ quina latera media habent, &c. quæ singulæ etiam suis figuris in Tabula demonstrantur.

Atque illud quoque sal iterata solutione ex toto concrescit in crystallos jam descriptas, etiamsi singulis vicibus, paucas tantum integras & perfectas obtinueris.

Est etiam de natura hujus salis Calcarii, ut in ignem impositus sine flamma liquecat & in bullas intumeat, pumicisque albissimi instar indurescat: idque planè ad aluminis modum.

## C A P. II.

*De Ferri Venis: ubi non nisi unum in Anglia Pyriten, eumque ex toto ferri merum metallum, esse affirmatur.*

**U**niversos sales fossiles nostros hactenus descripsimus, cum autem illorum aliquot salium quædam gleba, tanquam *Parentes*, rectè existimantur; nimirum *Vitrioli viridis Ferri vena*, & *salis calcarii lapis calcarius*, erit instituti nostri, illa metalla breviter explicare. *De Ferrariis* autem metallis incipiam.

Itaque Ferri metallorum accidentia & proprietates, quantum eas ipse propria inspectione didici, fideli enarratione communicabo.

Illud inprimis verissimum est, quod à *Plinio* olim positum est; scilicet, *Metallo-  
rum omnium, Vena Ferri largissima est*: certè in Anglia nusquam non occurrit; at di-

† *De Magnete*  
*lib. 1. cap. 8.*

stinctionem illam † *Gilberti* nostri non admitto, qui *venam ferri metallicam à ferrea* nescio quâ materia discernit, atque ita ferè magnam  
totius

totius Insulæ nostræ Britannicæ partem ferream esse vult: Siquidem illud firmissimum esse duco, omnem sive terram lutosam, sive venam lapideam, quæ vel cruda vel cocta, præparatave, quocunque id fiat modo, à magnete ducatur, ab eoque ut ferrum alliciatur, in ferrum confari posse. Ut si quis in Fornacibus, vel caloris defectu, vel aliâs, error sit, is non protinùs in venam metallicam, ac si non verissimè de natura ferri participaret, rejiciendus est.

Venæ autem Ferri metallicæ *experimentum* † ex Agricola hic proponere visum est; nam ad id diligentè examinata sunt singula ferri metalla infra nominanda.

† Lib. 7. p. 194.

Venam ferri (inquit ille) experimur in Camino Fabri Ferrarii, eadem uritur, comminuitur, lavatur, siccatur, Magnes in ramentum lotura collectum imponitur, qui scobem ferream ad se trahit: ea pennis deterfa, catino excipitur, atque magnes usque eo in ramentum loturâ collectum imponitur & scobes detergitur, dum restet, quam ad se alliciat; ea autem simul cum Halonitro coquitur in catino, donec lique scat, & ex ea *ferrea massula* confletur. Quod si Magnes



nes citò facilèque scobem ad se traxerit, Venam Ferri divitem esse conjicimus, si tardè, pauperem: si prorsus eam respuere visus fuerit, ferri paulum, aut nihil in se continere.

*Magnes* §. I. PRÆCIPUA adeo vena ferri *Magnes* est. Is, inquam, optimum ferri metallum est, seque aliaque omnia ferri metalla, vel cruda vel cocta ad se allicit, ut proximè suprà positum est.

Is autem, quem ex agro *Devonensi* nostræ Insulæ habui, ex nigro livescit, pauloque obscurior est, quàm ipsum ferrum politum: huic fracto soliditas marmorea est: sui ipsius scobem non secus, quàm ferri conflati ad se alliciebat.

*Vena Scintillans  
quasi arenacea.*

§. II. SECUNDO autem loco, venam ferri rubram in medium proferò, eaque velut *arenaceus* quidam lapis scintillat; huic, inquam, color ex quadam purpura, sublividus est: ea inæqualibus & asperis particulis, quasi dicas ex ferrea scobe constat: nam quocunque modo illam confringas, ita, se semper ostendit; & (ut nihil omittam, quod de hac re

re observavi) hic quoque ipsissimus est venæ ferri *Suecica* habitus, & nunc, & olim præ cæteris Europæ meritò æstimatæ: at *Suecica* color magis ex livido ad quandam viriditatem accedit: Ita enim universa exemplaria ex duodecim puteis ad me transmissa, ferè ad unum sese habuerunt; porrò hanc nostram in pulverem redactam, crudam, & ignem nondùm expertam allicit Magnes: at non ita libentè Magnetem sequitur, ut ex Suecia Venæ: quæ quidem crudæ & incoctæ, Magneti non alitèr obtemperant, quàm si merum ferrum essent; Optimæ venæ certissima nota: at huic nostræ ea quidem proprietas non ex toto deest. Postremò hic noster lapis admodum ponderosus est, ut sunt pleraque metalla, e quibus ferrum conflatur. Ad jugum montium Cretaceorum agri Eboracensis, non longè ab oppidulo *Water* dicto, is lapis repertus est.

§. III. In iisdem montibus cretaceis, vasto limite circumscriptis, *alia vena ferri rubra* innumeris fere locis se ostendit; ea autem interdum mollior est, instar cujusdam argillæ, & quæ durior est, lineas etiam rubras,

rubras, Chartæ illisa, ducit. Illam verò, nisi benè ustulatam, non approbat Magnes, in hac quoque vena, mediocriter ferri diviti, insunt quidam velut *Nuclei*, aut *Nodi* ferrei subrotundi, à seminibus sinapi, ad capitis pueri magnitudinem: his autem & durities marmorea, ut nihil dubii sit, illos posse poliri, & in nitorem lævigari; siquidem etiam fracti, lævam & æqualem superficiem ostendunt. Item illis color ex rubro nigricans est: tractando digitos rubore non inficiunt. At hos etiam crudos, in minutum pulverem contritos, bonus Magnes alliciebat.

Item in eadem vena, alios molliores lapides, è laminis constantes invenies, quibus color quidem ruber est.

*Hematites* §. IV. A cretaceis rupibus ad *calcarias plumbiferas* agri *Westmoriandiae* transeo; hæ quoque ferri Metallorum plurium generum feraces sunt. At iis propria est Vena, quæ *Hematites* appellatur.

Atque hic etiam lapis ibidem sub diversa specie reperitur; unde ab Antiquis, & nostris etiam hominibus, diversimodè nuncupatur:



cupatur: siquidem interdum stibii fusi more, in longas *stirias* ad centrum aliquod spectantes concrevit interdum ad extrâ *Uvas* repræsentat, inde *botrytes* quibusdam appellatur.

Interdum *Lavorem* quendam instar *Holserici* exprimit, quæ summa lævitas aliquod pingue digitis sentitur. Quæ tamen omnia accidentia, in uno eodemque lapide notavi: adeo diversâ ratione, diversa nomina sortita est eadem vena.

Præterea idem *Hæmatites* interdum mollior est, & merum lutum, & non aliter, quam argilla tractari potest. Modò purus putus & ex toto *Hæmatites* est: modò per minima miscetur cum rupe calcaria plum-bifera.

Universæ autem hæ Venæ ferri, chartæ illisæ, admodum liberè ducunt lineam rubram, idque non sine quodam splendore, quasi metalli alicujus fusi. Et in hoc convenit *Hæmatites* (ut id obiter notem) cum isto anonymo metallo, à nostris *plumbum nigrum* appellato, non alibi terrarum Europæ, quod scio, quàm in agro *Westmorlandiæ*, ubi etiam *Hæmatites* plurimum abundat, invento.

Huic autem ferri venæ sua singularis excellentia est, quod ex ea sine prævia aliqua in *Regulam* (quod aiunt) fusione, optimum ferrum conficitur. Scilicet vel mera ignitio sufficit, ut malleo in ferrum induretur.

Hujus solius metalli fornax hodie in oppidulo *Miltherp* dicto agri *Westmorlandiæ*, habetur: At ipse lapis juxta *Furnes Fell* ejusdem agri & alibi effoditur.

At ne hanc quidem venam Ferri, etsi ditissima sit, Magnes ad se allicit, nisi prius benè ustuletur.

§. Item alium quendam *Hæmatitem* à metallariis nostris magnopere laudatum ex *Cambria* habeo: huic autem insignis durities est, color ex rubro sublividus, recentè fractus nitorem quendam, instar cujusdam *Selenitis* cum rubedine ostendit, item lineam rubram non ducit, neque crudus à Magnete ducitur. Hujus quoque lapidis in Ferrum operatio, facilis esse dicitur.

*Vena ferri in arena.*

§. V. SEQUUNTUR Ferri venæ, quæ in arena soluta, *Lapide arenceo* nusquam non inveniuntur. His autem

autem venis ferè color sublividus est : interdum ad rubedinem accedens. Modò lapides fissiles sunt, vel plani; modò concavam testam representant : interdum solidi & leves lapides sunt : Interdum cum arena permiscentur ; qui si duri sunt, *Smiridis* locum supplere quodam modo possint. Interdum eadem venæ arenaceæ merum & molle lutum est,

*Ætites* autem in iis, qui concavi sunt, reperitur ; Albidam, aut flavam medullam, in se continens. Hi verò lapides naturalitèr inæquales sunt, & asperi, iisque ex politurâ gratia quædam additur.

Inter arenam verò non rarò *Ocrea Fossilis lutea.* metallum reperitur, ut ad *Santon Sands* agri Lincolnienſis, ubi olim magna copia è venâ sua effossa est.

Hæ quoque venæ ex pondere se produnt, at nisi benè cumentur, & post magnum ignis tormentum à Magnete non alliciuntur : at ubi id fit, ex toto Magneti cedunt.

Hujusmodi metalli loca sunt ferè ubicunque arena naturaliter reperitur, Plurima



certè nominare possim, at paucis agri Eboracensis contentus sum; nimirum juxta *Kirkham & Westo*, ubi plurimi lapides ad similitudinem *Ætium* habentur, at maximam partem solidi. Item ad *Wentbrige*, ubi eximie purpurascit vena, certè quæ ad meridiem oppiduli; in ipso colli jugo aliquando inveni.

*Ferri metallum in Vicinia carbonum Fossilium ex meris rupium stratis, solidis, & dilatatis.*

§. VI. **FERRI** autem metalla, è quibus in multis Angliæ locis id conflatur, longè omnium copiosissima sunt: Quæ verò in vicinia, & inter ipsos *Carbones Fossiles* reperiuntur, venæ dilatata sunt, & ipsa rupium strata; scilicet unum alteri superinjectum. Huic autem lapidi soliditas marmorea est, & quæ poliri possit: maximèque si *Cochlites* aliquis eo misceatur, à nostris ad polituram valdè expetitur.

Ei ferè color ex livido nigricans, aut sublividus est.

Ex his autem stratis alia solida sunt & in vastissimum spatium dilatantur: Alias ex majusculis *quadratis lapidibus*, velut artificiorum quodam manufactis constat, cujusdam Pavimenti

vimenti instar inter se commissis ; iidem autem à nostris Puteariis *Gallystones*, nescio quâ ratione, appellantur.

Ex his verò quadratis lapidibus, parvuli in Agello quodam *Kelfield* dicto, juxta *Pockley* in vicinia *Hemsley* agri Eboracensis copiosè reperiuntur : utcunque quidem optimum Ferri metallum est.

Item aliæ *Subrotunda* pilæ sunt, à nostris hominibus *Hareballs* appellatæ, omnium magnitudinum sunt, à nuce vulgari ad lapidem molarem.

His autem venis multa loca, in agro Eboracensi, nobilitata sunt : Ut *Bemley* in Vicinia *Black Barnsley*, & *Adderstone*, &c.

Hæ verò venæ, in minutias confractæ ante fusionem, ferè ustulantur, & in ipsa fusione cum *Saxo calcis* miscentur, deinde vena, in liquorem purgatum fusa, sub malleo multo & improbo opere in Ferrum induratur.

Item hæ venæ si iterata fusione purgantur, longè tenacius & præstantissimum Ferrum dant : ut experiuntur *Officina Ferraria* juxta *Kerstal-Abbie* agri Eboracensis.

In ipsa fusione, materia quædam viridis,

vere vitrea, & non ampliùs in aëre resolu-  
bilis, ipsi metallo innatat.

At universas has venas, nisi probe & diu  
astulentur, prorsus ignorat Magnes.

*Ferri metalla Margā  
inventa.*

§. VII. FERRI autem  
metalla in *Suffexia* effos-  
sa, è quibus Bombardi regii conflantur,  
hæc sunt.

1. Id quod à nostris *Balmine*, (id est)  
metallum Pilæformæ, appellatur: sub ar-  
gilla quadam albida sternitur. Hic verò la-  
pis velut nucleus albidus est, cortice rubro  
contectus. Ut hæ, etsi optimum Ferri me-  
tallum sint, tamen rariores sunt. Diu au-  
tem ignitæ ex toto rubræ fiunt, & tum de-  
mum à Magnete alliciuntur.

2. Metallum rubrum albis venis di-  
stinctum, huic superiori, ad tres pedes sub-  
jacet.

3. Tertium quoque rubidum, ad ean-  
dem distantiam alteri substratum. *Pettee mi-  
ne* à nostris appellatum; fortè quòd huic &  
pauciores & fusciores Venulæ albidæ sunt:  
huic etiam laminæ rubidæ.

4. Quartum & imum metallum: hæc  
tria autem ultima, pavimenti instar sternun-  
tur:



tur: duo quidem priora molliora sunt; totidem posteriora duriora sunt; & ut facilius fundantur; ita magis ad *Ferrum* contribuant: Item quarto metallo, laminæ rubræ sunt, ocrâ etiam hic & illic interstinctum, perinde ut in quibusdam venis *Ferri* arenaceis. Huc accedit, duo posteriora calida credi, & cæteris faciliorem fusionem præstare, scilicet ob sulphureum *Vitrioli* principium.

Si quando verò hæc metalla in marga subcærulea reperiuntur, vix tractabilia sunt: Id verò vitium à nimio *Vitriolo* ortum esse credibile est, At in alba marga optima sunt.

§. VIII. OCRA *rufescens* five fulva à pyrite *ferre nata*, & in plerisque acidulis certè atramentosis inventa, merum *Ferri* metallum est: Et à *Magnete* post debitam unctionem ex toto allicitur.

§. IX. UNUS Angliæ *pyrites*, idque purum putum *Ferri* metallum est; atque adeo minimè sterilis censendus est, cum *Ferri* vena est. A reliquis autem

Ferri venis distinguitur, quod is per excellentiam vitriolicus sit, & argenteo vel aureo quodam nitore ferè resplendeat: item à Chalybe percussus, scintillas edit, si durus sit. Illum verò lapidem à Mauritanis *Marchasitam* appellant moderni. Is autem in omnium metallorum fodinis & multa quidem varietate reperitur. Etenim est, qui aureus, qui argenteus colore tenus: qui lævis, qui striatus, qui mollis, qui durus: qui purus putus, & sui generis metallum est, qui variâ proportionem, nunc per minima, nunc parcius miscetur, cum Plumbi, cum Stanni, cum Æris, cum Aluminis metallo. Item similiter cum ipso silice nigro, cum carbone fossili, cum lapide calcario, cretaceo, aliisque plurimis metallis. Alii cubis constant, alii è laminis velut membranaceis conficiuntur: alii tuberibus racemosi, alii rotundi grandinis instar, aut pilæ, cujuscunque magnitudinis; alii multangulosi, alii faviginosi; imò infinitum esset, singulas differentias exequi; At de eorum aliquibus pauca addam, quæ diligenti perscrutatione ipse observavi.

I. Pyritæ quidam intus striati, ferè subrotundi, extrâ tuberosi, & interdum angulosi,

gulosi, reperiuntur. Horum autem Stiria intus tendunt, quasi ad centrum aliquod, instar Antimonii fusi, aut perinde ut supra posuimus de quodam Hæmatite.

In his verò sunt, qui locis humidis copiosè vitriolum suum edunt. Hi, ubicunque saxum cretaceum, ibi & ipsi reperiuntur, at ferè venâ sparsâ. A nostris *Rust balls* appellantur, certè in Lapidicinis iuxta *Foulmore* agri *Cantabrigiensis*. Item in collibus agri *Eboracensis The Woolds* dictis passim. De his autem nescio quæ mirabilia, suo more *Glauberus* narrat.

2. Alii *Pyritæ aurei* ibidem, & præcipuè in rupibus plumbiferis, & inter carbones Fossiles sunt, qui cubis constant, alioque modo angulosi sunt. Hi autem quibusdam *Helmontii Ludus* existimantur.

3. Interdum etiam, præcipuè ubi carbones fossiles abundant, & alibi, ingentia *saxorum strata è solo Pyrite* & ex toto constant, alia eorum tenuia quidam, at alia crassa, & sesquipedalia & amplius, ut inter alia loca juxta *Bentley Hall*, valle dictâ *Latherden*; agri *Cravenensis*, observavi.

In his autem *Pyritarum stratis*, alii lapides molles sunt, & fragiles, alii durissimi



& planè silicei, ut perforari admodum difficulter possint, magno metallariorum incommodo: Ut puteis carbonum fossilium juxta *Colln* agri *Lancastriensis*.

4. Item alii *Pyritæ* sunt *Testarum* quarundam *formâ*, in rupibus *Derbiensibus* reperti, ubi vulgò *Chertstone* audiunt.

5. Qui verò *Pyrita* in *Stanni fodinâ* habentur, à nostris Metallariis *Mundie* & *Maxy* appellantur. At non aliud sunt quàm vulgares *Pyritæ*, scilicet *Ferri metallum aureo* vel *argenteo splendore conspicuum*.

6. Item alios *Pyritas*, prorsus *Argenteo splendore* elegantè illustratos habui è puteis *Carbonum fossilium*, non longè à *Wakefield*.

7. Item in medio silice nigro *pyriten aureum* commistum habeo. Is autem lapis rarissimè in montibus cretaceis nostris inventus est.

8. Item cum *Plumbi metallo* *Pyriten* variis modis commistum habeo: interdum id totum *pyritæ*, velut cortice quodam contegitur: Interdum per minima inter se miscentur, ita tamen, ut aliquando vel nudis oculis *Pyrites* velut nodus quidam alteri metallo inseritur. Interdum istam misturam,  
non

non nisi Magnetis auxilio, idque post debitam ustionem, cognoscere licet.

9. Idem cogita de *Æris metallo*, sed ob utriusque quandam similitudinem, id vix oculis dignoscitur: adhibito autem Magnetis cremato lapidi, facile exploratur.

10. In Angliâ verò Argenti parum metallum nondum, quod scio, repertum est; sed ex omni plumbi metallo, nullo excepto, certè de triginta minimum puteis, expertus loquor, argentum elici potest.

Ipsam autem Plumbi metallum Ferri venis per minima, ut supra notavimus, misceri plurimis experimentis mihi satis constat.

11. Item *Saxa aluminosa* juxta *Whitby* & alibi agri *Eboracensis Pyrite* abundant; unde parum ignita per se postea accendantur. Idem quoque Sulphuris copia, in summis saxorum crematorum cumulis inventa, satis superque testatur. Imò vix ullum Aluminis metallum *Pyrite* vacuum, apud nos reperitur. Adeoque vel nudis oculis ex aureo splendore ferè ubique cognoscitur.

12. Omitto *Pyritas ligneos ex Hibernia* (imò quod olim lignum *Fraxinum*, jam *Magnes* est, duritie *marinorea*) etiam co-

pioſe reperiundos ad *Harrigate* agri *Eboracensis*. Item *Conchites* plurium generum, aliaque multa foſſilia *Pyrite* infecta. Atque hæc hæctenus de *Pyritis* ex noſtra obſervatione.

Hæc autem univerſa & ſingula, quatenus *Pyrita* ſunt, poſt debitam uſtionem, eſſe unius *Ferri* venam *Magnes* mihi liquido demonſtravit.

### C A P. III.

#### De Lapide Calcario.

Superiore Capite variam *Ferri* venam enarravimus, jam *Lapis* quoque *Calcarius* paucis explicandus eſt.

Hujus lapidis ratione, & proportionem, exiguum eſt in *Anglia* *Ferri* metallum. Nam ex eo eſſe montium terrenæque glebæ longè maximam partem exiſtimo.

At hujus autem lapidis *Calcarii* plurimæ apud me differentiæ ſunt: quas tamen pluribus enarrare non vacat: Univerſorum verò illa communis nota eſt, in calcem uri poſſe.



se. Item habitus & facies interna lapidis calcarii, ferè *lavis* est, & ad polituram spectans.

In hoc autem censu enumerantur *Creta* quoque *alba*, ejusque *alba argilla*: item ipsi *Silices*, ferè in montibus cretaceis naturaliter inventi; ipsi enim igniti, ex *aqua* demissi *disiliunt*: Item *Selenites*; ipsumque *Gypsum*, ejusque differentiarum plurimarum: Item *Stalactites*, aut quivis lapis ex aqua confectus, communis notæ ratione habita, &c.

#### C A P. IV.

Fontium quorundam medicatorum Angliæ brevis Enarratio: ubi salium crystalli universæ ad Sal tantum commune, & Nitrum calcarium referuntur; Terrena verò gleba, ad Ocrum, & lapidem Calcarium.

Fontes medicati Angliæ penè infiniti sunt, & nusquam non reperiuntur: at paucos è multis describendos suscepi; an fortè reliqui ad horum exempla intelligantur. Cum autem in iis de quibus ipsi experimentum fecimus, duo tantum salium genera inventa sunt:

sunt: Nitrum scilicet *Calcarium*, & *Sal commune*; de his prius incipiam, qui, ex duobus illis salibus, alterum tantum continere visi sunt.

*Fontes falsi, fœtidi.*

I. ITAQUE Fons *salsus* ad *Harrigate*, sulphureus & fœtidus vulgò dictus, in vicinia *Knazborough* agri *Eboracensis*, aliud metallum, præter merum salem vulgarem, non continet: cuius rei ea ratio esse potest, quod istiusmodi sal fere sine ulla, aut admodum exigua gleba oritur; adeoque per se aquis misceri potest: In singulis autem *Octonis libris aqua*, ad *salis uncias duas* habet, atque adeo vulgari aquæ multum præponderat.

Hujusmodi verò *falsi Fontes* in partibus *Angliæ Borealibus* montosis frequentissimi sunt. Eorum autem aliquot, quos ipse vidi, indicabo; nimirum agro *Craveni* unus habetur ad oppidum *Long-Addingham*, medio vico ad lævam; alter prope *Skipton* ejusdem agri; tertius ad *Broughton*, ambo in ipso itinere admodum conspicui: alii plurimi & insignes pratis *Marthonensibus* & villâ quâdam *Crikle-grounds* dictâ, &c. id genus ferè infinita taceo. Atque universi ferè tanquam

ex

ex Sulphure putrescunt : Imò tempestate maximè humidâ & frigidâ, istorum Fontium odor foetidus eminùs ad notabilem distantiam sentitur ; cuius rei rationem infra exponam.

At quidam Fontes , etiam falsi atramentosi sunt : ex his ferè sal vulgaris excoquitur ; horum autem historiam accuratè expositam videsis ( N. N. 53. 54. 142. ) Actis Philosophicis Londinensibus, Hæc autem ab aliis prætermissa sunt.

1. Horum aquam admodum foetere velut ex sulphure , maximè si tantisper quiescant putei ; imò carnem recentè maceratam , atque istiusmodi aquâ maceratam citò , intra diem puti , putrescere solere.

2. Cum galla fieri atramentosam in hoc autem censu numerandi sunt , tam Nantwicenses , Midlewicenses , Nortwicenses putei , sc. agri Cestriensis ; quàm ille Westonensis agri Staffordiensis ; item illi alteri Droitwicenses agri Worcestrensis ; hi , inquam , singuli cum gallâ atramentosi fiunt.

2. Arenam quandam albam ; item lapidem album vasorum fundo adhaerentem ex  
iis



iis dejici, maximè si ferreis lebetibus coquantur; idque verum est etiam de aqua marina, sicubi in salem similiter excoquatur; at nec ipsa aqua marina, nec putei mediterranei Droitwicensis, dum vel per se siccescat vel plumbo coquantur, arenam ullam lapideam dant.

N. B. Arena alba, quæ ab aquis supra positis inter coquendum dejicitur, si aqua pluviali aliquantulum rigetur, & madida servetur, post aliquot menses tibi dabit crystallos novas, ad alumen proximè accedentes: ex iis autem unam elegantissimam, ad justam ejus magnitudinem & formam accuratè depinxi. Vide Fig. 7. Hujus autem basis ex toto plana est; vertici etiam plano, multoque latiore; totum claudit circumferentia octangularis; at qualibus planis constabant singula, vix capere potui. Huic gustus falso-amaricans: item his crystalli, mense Julio, constrictæ, aliquot paucis diebus formam ex toto amittebant, & in pulverem niveum per se resolvebantur, ipsæ terræ sive arenæ albæ, ex quâ nascebantur, quam simillimam; At eadem denuò aquâ liquefactæ iterum in crystallos constringebantur, & identidem brevi post in arenam

arenam albam cadebant ; quod privatim his folis , quantum observavi , cryſtallis accidit.

II. *Fontis lapideſcentis ce-* *Fontes Lapi-*  
*ſcentes.*  
*leberrimi juxta oppidum Kna-*  
*borough* , ejusdem agri , *Cryſtalli* omnino eadem ſunt , ac quas ſupra poſuimus in ſale calcario.

Hujus autem Fontis aqua vi ignis ſicce-  
tur , & tenues *Laminae calcariæ* albidæ copi-  
oſè innatant. Atque *idem* etiam *aliter* fortè  
mihi innotuit , ſcilicet hujus Fontis aquæ  
aliquot lagenas vitreas , ab *Auguſto Menſe* ,  
ad brumam uſque apud me ſervavi. Nihil  
autem in iis mutatum vidi , antequam vitrea  
vaſa vehementiori gelu rupta fuerant ; tum  
verò *Pulverem lapideam albiſſimum* haud par-  
va copia dejectum animadverti : is fanè  
pulvis niveus , & ſupra fidem elegans eſt ,  
& omni ſale deſtitutus. Adeo quod *laminae*  
ſunt , ſi coctione aquam exiccaveris ; *idem*  
pulvis eſt , ſi per ſe dejiciatur.

Ex aqua autem hujus Fontis ad libras 60.  
habui farinæ lapidis calcarii circiter duas un-  
cias & dimidiam , ſalis verò circiter drach-  
mam ; ſcilicet ſe habent, ut 1. ad 20.

Item

Item denuò experimentum feci, nimirum ex aquæ circiter libris 120. Lapidis calcarii ad uncias quinque habui, salis autem ad drachmas duas duntaxat.

Utrumque autem media æstate expertus sum. Illam verò aquam ex ipso Fonte hausi, hanc à rupe cadentem cepimus, adeo nullam differentiam in utraque notare potuimus, & exiguam salis portiunculam præ calce. Quod tamen aliter esse *Quidam* è nostris Scriptoribus, vehementer affirmat, scilicet, ut fidem adstruat *Corrosioni Helmontiana*; at falsus est.

At rectè quidem *Frencius noster*, ex hac aqua igne siccata tantum pulveris cujusdam lapidei meminit, nec ullius salis mentionem facit; adeo in inodica aquæ quantitate, ipsi nullus esse videbatur.

Ex lacte cocta, id coagulat, scilicet vel exigui salis nitri calcarii ratione. Etiam aquæ vulgari præponderat.

§. Est quidam Fons ejusdem naturæ, nec ita incognitus, ad ipsam ripam fluminis *Ouse* juxta *Clifton*, uno lapide ab *Eboraco*: ejus autem aqua cum gallis atramentosa non fit.



fit. Is verò falem calcarium dat, item pulverem calcarium album.

§. IDEM in aqua puteali domus meæ, dum medio vico, *Stonegate* dicto, habitabam, expertus sum. Nimirum coctione huic tenues laminas lapidis calcarii supernatasse, crystallosque easdem dedisse ultimâ evaporatione.

§. AT N B. qui intra hanc urbem Putei verum & *Inflammabile halonitrum*, unâ cum reliquis dant. At id tantum per accidens, & minimè naturalitèr aquæ inest; cum halonitrum ab animalium sordibus oriatur.

III. FONTI medicato *Scarborgensi*, atramentoso & frigido, omnino nihil inest, præter unum aut multum falem calcarium.

*Fontes atramentosi frigidi: quibus non nisi alterum è salibus scilicet calcarium.*

Hujus autem Fontis aqua, & *Ocrum*, & lapidem calcarium albidum dat.

In Fontis *Scarborgensis* aquæ libris senis (inquit Wittius noster) ad tres drachmas contentorum habebis: & nostro quidem experimento

perimento in sexdecim libris coctis ad sesquiunciam contentorum habui.

§. **AQUA** atramentosa in Vicinia *Knaz-bourgh* ad *Harrigate*, quem *Fontem dulcem* nostri vulgò appellant, eundem salem *Calcarium*, at ejus pauca tantùm grana in plurimis libris dat. In 80. Libris aquæ 90 grana contentorum remanserunt. Spiritu metallico (inquit *Frencius*) potentior est in hiberno gelu; item æstâte, manè, quàm meridiè.

§. In fonte atramentoso juxta *Maulson*, ejusdem agri, idem sal *calcarium* habetur: at eadem aqua etiam *Ocræ* & lapidem *calcarium* copiosè dat: etiamsi *quidam* è nostris *Scriptoribus* contrarium audacter affirmant; at falsi sunt. Adde his *Alumen*. quoddam *plumosum*. Scilicet eandem materiam; quàm è *Sulphure* usto, & ipso *Pyrite* macerato elicere liceat.

In hunc autem modum, nostro experimento, de hujus Fontis aqua, res se habuit. Nimirùm ex aqua tepesacta *Ocræ* omnium prima cadit: mox ab eadem *Squame* lapidis calcarii dejiciuntur. Ipsa autem aqua ad minimam

nimiam quantitatem tandem siccata, pilos quosdam instar aluminis plumosi filtro separare scilicet qui genuinus Pyritæ foetus est. Ultimò verò è Nitro calcario *CrySTALLI* coeunt.

Si te confusa & exiguarum *CrySTALLORUM* coitio morabitur; Aluminis tantillo vasculum frica, inde tibi elegantes & majusculæ *CrySTALLI* fient.

Ad has vero *Figuras* (quas suprà in *Tabula* posuimus ad *N. 5.*) hujus Fontis *CrySTALLI*, si sigillatim numerentur, prout ipse, magna diligentia adhibita, didici, referri possint.

Nimirum pleraque quatuor plana latera, longa & quadrangula habent, ex altera verò parte in mucronem desinunt, quem bina plana quadrangula constituunt, ex altera in aciem quandam, quam bina quoque plana quadrangula, sed ad contrarium semper cum prioribus positum, conficiunt; Fortè in his quintum datur planum intermediū, etsi angustissimum, visum, certè non armatum, ferè effugiens.

Alia salia sunt, quibus illud *quintum latus* intermediū, longe omnium latissimum est: Unde extremarum quoque partium  
tanta



tanta diversitas oritur, ut aliquot eorum *Crystalli* aliæ esse videntur quàm sunt.

Jam ad eos Fontes venio, in quibus *ambo Salia* reperiuntur; at cæ ferè *Therma* sunt.

*Fontes atramentosi, in quibus ambo salia sunt.*

#### IV. PAUCÆ autem

*Therma*, sive *Fontes calidi* in *Anglia* sunt: Ex iis autem longè celeberrimæ sunt illæ atramentosæ, quæ in *Urbe Bath*, agri *Sommersetensis* oriuntur. De his autem aquis ita nostri scriptores *Jordanus* & *Guidotius* perhibent.

*Thermarum Bathoniensium Salia* sunt *Nitrum* & *sal commune* (id autem *Nitrum*, cùm inflammabile non sit, *calcarium* esse, nihil dubito.) At inest plus duplo salis communis, quàm *Nitri*. Item *Ocra*, & *lapis calcarius* insunt. Illius autem ne minimum quidem coctione haberi potest, at hujus ad duplum & amplius omnium *Salium*.

Quòd verò lapidem *Calcarium*, duorum esse generum vult *Guidotius*, nimis fortè subtiliter distinguit.

Idem tamen in reliquis, quæ sequuntur, audiendus est.

Universa circa *Thermas*, maximè lapides,

des, prope ipsos Fontes, ex *Ocre* summâ flavedine inficiuntur. Hujus verò ipsius *Ocre* ad Libram integram is ipse collegit. Et addit, quòd in ipso halitu copiosius observatur, ideo illam, bonam partem, exhalari coctione, credibile est.

Thermarum aquæ, dum *calent*, atramentosæ fiunt. Item hæ aquæ vehementer calent, & assiduè *Vaporant*. Item æqualitèr calescunt, tam *Hyeme*, quàm *Æstate*. Item hi Fontes calidi è luto nigro profundè erumpunt.

Thermæ saturatiorem colorem tempore *Gelu*, quàm *cælo aperto* cum gallis dant. Item tempore gelu diu servatæ, tingendi facultatem retinent; quod aperto cælo citò amittunt. Si exdem aquæ benè clausis vasculis servantur, post *plures dies* cum gallis tingunt.

Horum Fontium vel ipsa *Arena* ignita, Sulphuris modo, in tenebris flammam emittit; idem de eorum *limo* puta; Idem etiam de aquarum *residuo*, à coctione cremato, expertum est.

§. ALIÆ autem  
siquæ Thermæ apud

*Aqua Tepida, Derbyensis,  
Buxton Wells dicta.*

nos,

nos, cæ in agro *Derbieni* inventæ sunt: ex  
iis autem, quæ *Buxton Wells* vulgò audiunt,  
ipse vidi; & tepidæ quidem aquæ sunt. Is  
autem Fons insignis est, & multa aqua de-  
currit; ipse autem Fons fornice satis amplo  
includitur ad commodiorem Balneationem,  
perinde ut in maximè calidis Regionibus  
quantum observavi, mos est, (de *Aquis*  
*Sextiis* Gallo-provinciæ aliisque transmari-  
nis testis oculatus loquor) & minimè sub dio,  
ut alibi apud nos admodum insalubritèr fit.  
Fornicem autem ingredienti aër admodum  
tepidus sentitur, & nisi ex alterâ parte ædi-  
ficii fenestra semper, certè interdium, ape-  
riretur, loci tepor, alicui facilè ferendo  
non esset, ubi autem paries libero aquæ exi-  
tui patet, vaporem, fumi instar, etiam  
diebus æstivis solstitialibus, summæ aquæ  
insidentem conspicerè licet illud tamen ve-  
rum est, aquam nemini sub primâ immer-  
sione admodum tepidam videri; at à paucis  
momentis miraberis te non ante illam cali-  
dam sensisse, adeo jam tepore jucundo te  
per omnia membra blanditur: item, si pe-  
dem nudum aquæ ebullienti (quod pluribus  
balnei locis fit) superinjicias, illam tepidam  
manifestè senties. At maximam anni  
par-



partem, præcipuè brumæ, vehementer frumat.

Præter hunc autem fontem fornice circumdatum, sunt & alii nonnulli tepidi propè erumpentes; quorum unus appellatur Sancta Anna Buxtonensis, de quo quidem bibitur, & vomitum movet, si de eo plurimum ingurgitetur.

Hi autem Fontes è lapide scissili nigricante scaturiunt, cui ferè carbonēs fossiles subsunt; & in montibus quidem ad meridiem occasumque altero tantum milliari distantibus, iidem etiamnum ad usum effodiuntur; at id ex rivuli vicini ripis, ipsoque clivo, cui ipsæ ædes superstruuntur, si diligenter rem attendas, tibi liquidò constabit.

Hi autem Fontes limpidissimi sunt, vixque ullum lutum demittunt, & atramentosi, certè æstate non sunt, & tamen metallum aliquod, ferreum, puta, planè sapiunt.

Ex 32. autem libris utriusque Fontis ad siccitatem coctis, vix unum vel alterum scrupulum salis habui, sine ullis laminis lapideis; quamvis inter coquendum pulvere quodam cinereo, planè lapideo, Lebetem æneum stanno obductum, admodum infecit. Is autem sal, maximam partem, in crystallōs  
C salis

Talis vulgaris constringebatur, quibus interjectæ sunt paucae crystalli lapidis calcarii.

## CAP. V.

De Origine rerum, in Fontibus Medicamentorum  
Angliæ contentarum.

**H**Actenus singulorum Fontium Medicamentorum Salia (quæ duo tantum sunt scilicet Nitrum Calcarium, & Sal vulgare) exposuimus: Item eorum glebam terrenam scilicet, tam Oeram, quam lapidem Calcarium. De horum autem omnium Origine, sive nascendi modo, mox breviter agemus.

**A** Sale autem marino sive vulgari incipiam, utpote cujus nativitas simplicissima est, neque alia quidem esse videtur, quam metalli liquatio; cum illud ipsum Sal purum putetur metallum est.

Atque adeo in Fontibus nostris sine ullo aut admodum exiguo terreno residuo, ut plurimum, reperitur.

At ubi Nitrum Calcarium, ibi perpetuo Lapis Calcarinus adest. Nitrumque adeo Calcarium è suo lapide germinare, credibile est.

est. Hujus autem *Germinationis ratio* explicanda est.

*Salium Fossilium in Crystallos Concretionem* supra exposuimus; at alia est eorundem *Germinatio*. Siquidem illa in instanti fit; hac verò lentè & paulatim procedit, *Plantarum* germinantium more quodam analogo.

Cùm autem uno eodemque modo *Nitrum calcarium* nascatur, atque *Vitriolum*; quamvis ipsum hoc, certè maturum & perfectum in nostris Fontibus medicatis nusquam reperiatur; tamen quòd *Ocra*, istius Salis foetura quædam sit (de qua etiam in hoc Capite quærendum est,) simul utriusque originem explicare, non alienum erit.

Rem itaque totam *Vitrioli nativitas* illustrat. Ejus autem à *Pyrita* prima eruptio, si in aëre fit, admodum *Immatura* est; procedente verò tempore, paulò perfectius est: At è nullo lapide Ferreo *Consummatum Vitriolum* gignitur, nisi post debitam *maturitatem* ad quam, continentèr quidem germinando, tandem pervenit.

*Vitriolum*, inquam, *Neophyton*, *trichites* quidem est, id est, pilorum instar è *Pyrite* nascitur; at his pilis nascentibus, color



quidem *Albidus*, adultis verò *viridis* est. Deinde iidem Pili, à tenuibus tenerisque *crassi* validique fiunt. Ipsam autem rem ad hunc modum & experiri, adeoque concipere facile est.

Aquæ Fontanæ *Stillicidium* in pyriten ferreum *glebosum* artificiosè cadat: si cautè & diligentèr experimentum conficiatur, & semper citrà quàm aqua cum gallis atramentosa fiat; (quod subinde explorandum est) salem albidum, in crystallos *cubicaromboides* concrecentem dabit. Unde Fig. 6.

Hæ autem crystallos primâ concretione oriuntur: nam iis demptis, si ulterius eadem siccetur, sal alterius generis, si quod habeat, dabit. Scilicet, proprii fontis peculiare; quod diligenter animadvertendum est.

Si verò eatenus finas eandem aquam in Pyriten destillare, donec atramentosa cum gallis fiat, tibi salem immaturum, in crystallos multorum laterum concrecentem proximè ad Aluminis modum & subviridem exhibebit.

At finas velim eadem *Stiria*, quoad colorem & consistentiam, perficiantur, (at quot horæ diesve ad istam maturitatem requirantur,

quirantur, nondum exploravi) & Vitrioli  
natura supra descripti Crystallos tandem ob-  
tinebis.

Hæc autem de *aspergine* Pyritæ in aëre: si  
tamen perpetuò *sub aqua* servetur, mihi  
nondum constat, eum salis ullius fœcundum  
esse, certè omnino nihil Vitrioli generabi-  
tur. Ab eo interim spiritus quidam, sive  
vapor subtilis, & sulphureus, & inflamma-  
bilis fertur, & in suam *Ocræ*, sive ferreum  
metallum assidue resolvitur: Nimirum illa  
sunt quasi vegetandi, sive generandi Vitri-  
oli abortio, sive frustranei sub aquis conatus.  
At de his infra plura.

In secundo autem jam posito processu na-  
scitur quidem *Ocræ*; at eam ipsam quoque  
in Pyritis resolutione sub aqua præcipue gi-  
gni intelligendum est.

His adde, ante ipsam Vitrioli *Vegetatio-*  
*nem*, nè Tormento quidem chymico id eli-  
ci potest. Si à prima statim concrematione Py-  
ritæ (inquit Borrichius) ejus co-  
ctioni insisterent, parum colle-  
cturi sunt, modo verbis eorum, qui huic ma-  
gisterio, præerant, fides debeat; scilicet  
ejus germinatio, quæ lentè procedit, ex-  
pectanda est.

Doc. Met. p. 44.

Idem quoque identidem confirmatur; cum è lapide calcario, statim ab ipsâ coctione macerato, omnino nihil salis concrescit, idem tamen lapis, sive crudus, sive coctus in Parietibus ædis alicujus, aut tectoriis usurpatus, abundè Salem suum edit, & qui in crystallos sui generis, ut suprâ descriptum est, concrescit.

Idem quoque ipsum de Nitri Calcarii germinatione cogitandum est; quod pulverem niveum, sive lapidem calcarium, ex utraque supra posita ratione similiter dat; atque Vitriolum, Ocram.

At (ne quid ab aliis notatum omittam) Vitriolum perfectum, ab Ocra sua purgatum, albidum fit; ejusque Salis albi calx, sive Caput mortuum à calcinato Sale, non rubescit, sed fit albidum, leve, & spongiosum; ut clarissimus  
*Vide Phil. Transact. Ol-* **Coxius** noster Author  
*denburgii, Num. 130.* est.

† *Vide ibidem*  
*Num. 142*

At respondeo, Creta † sive lapis Calcarius ipsis pyritis. pavimenti loco, altè substerni solet, nimirum illis locis, ubi sub dio conficitur Vitriolum: Igitur meritò quærendum est, an non id Salis alicujus calcarii potius, quàm Pyritæ



pyritæ caput mortuum sit. Deinde pyrites aliis quibuscumque lapidibus per minima misceri solet, quarum misturarum plurima genera apud me diligentè servo. Rursus pyrites purus putus Ferri Metallum est, ut suprâ posui, & crematus totus quantus est, & instar Ocræ calcinatæ rufescit, & à Magnete allicitur; atque adeo per se lapidem Calcarium non dat. Porro istius salis albidæ Figuræ examinandæ sunt, an non referri possint ad Vitriolum immaturum, aut ad verum alumen, aut ad sal vulgare, &c.

## CAP. VI.

*Vitrioli generatio, ut ab Helmontio explicata est, refutatur; item illa altera Philosophorum Parisiensium; item Vitriolum factitium nullâ arte confectum.*

**V**itrioli autem generatio, ut ab Helmontio explicata est, mihi quidem non arridet. Is verò vult, ipsis aquis naturalitèr duci Salem, sive succum si-

*Semen Salis esurini à Saporum Explicatione adhuc liberum. Parad. 8. ... Ens primum*

ve Spiritum quandam universalem,

*esurinum*, Ibid. --- Constat  
 Martis, Vitriolum Sale *esurino*,  
 Embryonato Sulphure & vena  
 Ferri (non Ferro) quam Sal *esu-*  
*rinum*, adhuc volatile, lambendo  
 corrofit. Parad. 44. --- Iste Sal  
 non crescit intra venam Ferri.  
 Parad. 4.

Embryonatum, e-  
 surinum, Herma-  
 phroditicum (nam  
 his & aliis nomini-  
 bus ipsum idem ap-  
 pellat.)

Iste autem sal ipso transitu metallum cor-  
 rodere potens est; à qua corrosione ipso in-  
 stanti Vitriolum confici vult.

*Hæc autem contra obijcio.*

I. IPsum ejus sale *esurino*, (utpote  
 nullius adhuc qualitatis participem, atque  
 adeo non cognoscibilem) uspiam existere,  
 esse gratis dictum.

II. PYRITEN Vitriolum suum sub aquis  
 perficere minimè posse, ex rationibus su-  
 præ positis manifestum est.

III. FERRI venam ab illo sale suo *esurino*  
 corrodi vix credibile est, siquidem vel mol-  
 lissimum nostrum *Hamatiten*, luti cujusvis  
 ænulum, aut ipsam Ocræ, vel valentissi-  
 mis menstruis dictis (puta ab Aqua forti di-  
 sta, aut *spiritu Nitri*) minimè corrodi posse  
 ex-

expertus sumus. Illud fortè hominem decepit, scilicet ipsum Ferrum ab acidis quibusdam facile corrodi: At de nullo Ferri Metallo, mihi adhuc in Anglia viso, (& eorum plurima à plerisque Angliæ partibus apud me, servo) id minimè verum; est imò nec optimum *Suecicum*, magnetis, si quod aliud, amicissimum, à dictis *Menstruis*, non, quatenus ferri metallum est, corroditur; de quâ re expertus fidem facio.

IV. *VITRIOLUM* assiduâ & lentâ germinatione perfici, experimenta suprâ posita appello, ergo non ullâ corrosione momento nasci.

Illud quidem verissimum est, è Chalybe cum aqua simplici (imò stillatitia & omni acido vacua, quod testatur elegantissimus Batavus \* *Pechlinus*) verum & maturum Vitriolum paucis momentis elicere licere.

\* *Turg. Exerc.*

At tu velim cogites, Ferri corpus, densum licet, & ponderosum, tamen vel ipso metallo suo magis porosum esse. Illud arguit ejus fusio, à qua Pumicis instar se habet, admodumque fragile est, nisi postea vehementi opera ictibus duretur. Deinde



ipse *Chalybs* reliquorum *Electrorum* (cum  
Chymicis liquor) modo fit.

† *Vid. Agr. de re Metall.* † Id est, Ferrum iectibus

duratum, & confectum,  
fuso metallo rursus incoquitur, & ad saturi-  
tatem usque eo imbuitur; scilicet longâ co-  
ctione plurimum metalli fusi in se imbibit.  
Jam verò Vitriolum non alio modo in illo,  
quàm in pyrite gigni cogitandum est; eti-  
amsi ejus generatio intra ipsum Ferrum oc-  
cultè perficiatur.

Atque adeo è Chalybe, id tantum, quod  
in se habet, aqua simplex elicere videtur,  
& minime aliquid Vitrioli in instanti ortum  
esse. Cui quidem rei fidem facit, Scobem

\* *Vide Pechlin de P. med. Facul. p. 135. Item F. Josephi Burlii Ep. 11. ad Baribol. Phil. Trans. N. 64. p. 2031.* ferream \* ab aqua  
infusa incalescere  
non aliter, quam  
calcem vivam sci-

licet à sale ante nato, & quodammodo in-  
carcerato. His adde, è Pyrite quidem cru-  
do Vitriolum *Trichites* nascitur, at ex eodem  
ustulato Vitriolum quidem nascitur, at alio  
modo, haud ita conspicuo, cum ab igne ve-  
getatio futura, si non ex parte destrui, certè  
aliquo modo mutari videtur. Idem de Ferro  
existimamus. Rursus notum est, aluminis  
metal-

metallum (idem quoque de Pyrite nihil dubito verum est) nimium  
 † concoqui posse. Postremo, etiamsi Vitriolum  
 non perficiatur, nisi aliquo tempore germi-  
 net, ut supra demonstravimus, tamen quot  
 horæ diesve ad ejus maturitatem requiran-  
 tur, vix adhuc intelligo, ut in hoc, vel in  
 illo experimento, non satis temporis fuisse  
 negem, quin Vitriolum perfectum gigna-  
 tur.

† Phil. Trans. N.  
 Ultimo.

V. OCRA est ipsum Ferri metallum, adeoque in se continere, certè Vitrioli principia; quod sic demonstratur; Ocra, utut benè & diligentèr lavetur, donec non amplius aquas atramentosas cum gallis efficiet, paulisper tamen, si illam humido aliquo loco recondas, Vitriolum denuò ex eo germinabit, non alitèr, quàm è majusculo pyrite.

VI. LIQUORES Chymici Metalla, quæ eroderint, spontè non deponunt; at universæ acidulæ atramentosæ suam Ocrain subitò dejiciunt.

Deinde iidem liquores Chymici, si quæ  
 C 6 deposue-

deposuerint, eadem iterum, admoto calore, corrodere possunt: Contrarium verò in acidulis istiusmodi experimur; scilicet eas nunquam suam Ocram semel depositam, vel calore admoto, iterum assumere.

§. ITEM in illo à Philosophis Parisiensibus, (ubi de aquis Gallia medicatis tractant) dissentio; nimirum esse aliquem vaporem acidum, per se subsistentem, tanquam ejus ens primum.

Sed ubicumque istiusmodi vapor sive spiritus acidus est, si à Pyrite oriatur, verè Vitriolicus est; si ab aluminis metallo, Aluminosus; si à lapide calcario, sui generis Nitrosus est. Imò fateor illorum omnium Salium nascentium, sive vegetantium Spiritus subtilis est; adeoque cujuscunque illorum naturæ, & proprietatum, unde emanavit, verè participat.

Phil. Transact.  
N. 104.

§. ALIQUI autem sunt, qui Vitriolum ex ipso sale communi fieri posse affirmant. Illud quidem ex parte verum esse potest; Scilicet quatenus iste Sal Vitrioli participavit: Forte is colore



lore viridi, & austeritate quâdam Vitriolo  
haud ita dissimilis est. At istum Salem com-  
munem in verum Vitriolum non converti,  
sed à Vitriolo, *lârvam* quandam mutuas-  
se, credibile est.

Si tamen urgeatur, Salia plurium gene-  
rum, in eadem aqua simul *Tabescentia*, si  
coctione siccetur, seorsim singula propriis  
suis *Figuris*, & colore coire: Ita quidem  
est, fatemur. At si quis Sal Ferrum Cu-  
prumve corroserit, (puta, Sal communis  
vi ignis in Spiritum attenuatus, aut aliàs)  
tum quidem illum in *alienam Figuram*  
posse ex aliqua parte *contaminari* existima-  
mus.

At frustra fortè litigo: nam de Veri-  
tate experimenti, *nondum editi*, nobis non  
constat.

---

## C A P. VII.

*Vitriolum maturum in aquis nostris medicatis rarò, aut nunquam reperitur; at Pyritem in atramentosis ex tota Substantia liquari.*

**V**itriolum autem maturum ab ullis aquis nostris medicatis, quod scio, elici non perhibetur. Id quod etiam jure mirantur Philosophi *Parisienses*, post diligens examen *centum* ferè Fontium medicatorum *Gallia*. Idem ex parte in causa fuit, cur nostri homines tam inurbanas lites inter se moverant. Cùm tamen in omni ferè agro nostro innumeri Fontes atramentosi sint, è quibus spontè Ocre dejectitur; scilicet genuina Vitrioli foetura.

Adeoque in animum inducere non possum, ut credam, Vitriolum Ferri in *Spadani* Fontibus *Germanicis*, *Pobontio* & *Savenerio* dictis, ab *Helmontio* unquam offendi; quamvis se seriò eorum aquas olim distillasse ait.

Hæc autem hujus rei summa est. Pyrites qui in aëre in merum Vitriolum propriâ germina-

minatione ex toto convertitur ; idem ipse lapis , sive metallum , sub aquis , in Spiritum , sive halitum Sulphureum , Ocramve , quasi liquatur. Id est , *Ex tota natura fit Spiritus*. Unde non amplius miramur tam tenuem succum (qui etiam ipsissimus Pyrites est) in Crystallos concresecendo minus aptum esse.

Pyriten autem in aquis atramentosis ex totâ substantiâ liquari , vaporareque multa demonstrant.

I. IN Thermis nostris quicquid (ut supra positum est) earum halitui vaporoso obviam fit , Ocrâ vehementer inficitur.

II. ITEM , tam de frigidis , quam de calidis atramentosis illud notissimum est , eas , *Utriculis* diligentèr occlusis , tingendi cum gallis proprietatem diu servare , easdem verò apertis vasculis servatas , multò citius tingere desinere : Scilicet ob Ocrâ non tam dejectam , quàm Vapidam , & à motu planè quiescentem.

Neque enim Plantarum alia Narratio est ; cujus illustre exemplum de *Ligno Cedrino* Bermu-



† *Philos. Transf.*  
*Num. 110.*

*Bermudensi* olim † dedimus;  
 scilicet id apud me multos  
 annos, nec jam desinere, *Resinam* suam totâ  
 substantiâ vaporare.

III. *IPSA Ocre* vaporat, ut suprâ posi-  
 tum est, quod tamen à natura lapidea, ex  
*ratione Chymica*, Scilicet corpore denso &  
 gravi, maximè alienum est. Adeoque fru-  
 strâ expectari spiritum stillatitium, nimi-  
 rum fermentationis alicujus opus: At hic  
 noster, qui avolat spiritus, ipsum metal-  
 lum vegetans est.

IV. *SAPOREM*, odoremque istiusmodi  
 aquarum, sub prima earum distillatione, ex  
 toto perdi, citra alicujus Spiritûs dicti sepa-  
 rationem, vel maxima diligentia adhibita;  
 atque simul omnino facultatem tingendi cum  
 gallis.

V. Imo ipsa tingendi proprietas per se  
 tandem moritur, etiamsi aqua, vel dili-  
 gentissimè obturatis vitreis vasculis, serve-  
 tur; atque adeo non ratione alicujus vaporis  
 amissi, sed motus ejus vegetantis languidi,  
 & planè quiescentis, mortuique.

VI. O.

VI. OCRAE, & lapidis Calcarii vel ipsa *dejectio*, ea in *succo* fuisse, indicat. Nam à suis *salibus* (qui aut nulli, aut admodum exigui sunt, ut *suprà* positum est) *ne subsidant*, vel momento temporis, non posse *prohiberi*. Attamen, contra naturam densorum & Graviorum corporum, (ut illa quidem sunt) ipsa Ocra *lentè* quidem, maximè si, vel clausis vasculis, diligentèr aqua fervetur, aut si sibi, non adhibito calore ullo permitatur; & lapis calcarius *agre* tandem, & non nisi à longo & vehementi gelu, *deji-*  
*citur*.

VII. In quibus Fontibus Ocra & lapis calcarius maximè abundant, ibi minimum Salis reperitur; scilicet in aquis atramento-  
sis, ubi plurimum Ocrae, ibi omnino nihil Vitrioli. Item in Fonte lapidescente, (for-  
tè in Anglia insigniori) juxta *Knazéborough* Sal se habet ad lapideam farinam, ut 1. ad  
20. Contra autem in ipso Vitriolo ma-  
turo, & nitro calcario, Ocra & lapis cal-  
carius in multò minimâ portione sunt ad  
salina principia. Videlicet VI. Unciæ Ni-  
tri calcarii ad duas uncias subito creman-  
tur:

tur : Et similiter de Colcothare Vitrioli  
puta.

VIII. PYRITEN ex toto sub specie succi  
aquis atramentosis inesse, hoc experimento  
constat. Aquæ alicui atramentosæ, ubi  
scilicet plurimum Ocræ habetur, puta Mal-  
tonensi, jam jam à Fonte haustæ, illius Li-  
xivii tantillum guttatim adjice, quod Sapo-  
narii conficiunt ex calce viva & cineribus  
*clavellatis* dictis; & ipsum Pyriten (adeo  
quod subsidet, aureo splendore micat) deji-  
ci credas licet.

IX. ALIA Pyritæ ratio in aëre, de qua  
suprà egimus, atque alia ejusdem sub aquis  
perpetuò immerfi; Siquidem in aëre Vitri-  
olum è Pyrite nascitur; sub aquis verò Py-  
rites quasi *liquatur*, Hæc autem huic rei fi-  
dem faciunt; nimirum ipsum Pyriten in so-  
lam Ocram & Sulphur posse cremari. Ab  
eoque Vitriolum vi ignis minimè elici posse:  
Similiter in aquis atramentosis Ocræ, hali-  
tusque Sulphureus semper adest; minimè  
quidem Vitriolum, certè maturum.

At ipsum Vitriolum (cujus alia nativitas  
suprà declarata est) in tria principia resolu-  
tur;



tur; quorum scilicet unum Salinum, alterum Sulphur, & tertium Ocra est. Salinum verò ejus principium solæ germinationi Pyritæ in aëre debetur.

De Sulphure autem in Vitriolo *severiores* aliqui dubitant: At quid fit de Sulphure Pyritæ, quem ignis tormento ad magnam sui partem in Sulphur propelli posse diximus. Atque idem in aëre tandem ex toto fit Vitriolum. Deinde alii modi apud Recentiores quosdam describuntur, quibus ipsum Sulphur ex oleo Vitrioli elicitur, quos, brevitatis memor, omitto. At non nego, quin aliqui Fontes ita comparati esse possint, vel loci, id est, subterranei alicujus ductus ratione, ut *semper*; vel etiam *Universi atramentosi*, ob admodum incertum aquæ incrementum, ut *certe aliquando*, Vitriolum in hoc, vel in illo maturitatis statu (quem triplicem esse suprâ demonstravimus) exhibeant. Si quid itaque de hâc re certum explorare aliquis *curiosus* velit, an, & quomodo in Fontibus atramentosis Vitriolum detur, Næ is multa & longa diligentia utetur necesse est, & Præcipuè in omni notabiliter mutata cœli tempestate sæpius ad examen revocandi sunt.

At

At dicet aliquis, Vitriolum coire cum sale calcario; hæc mera suspicio est, ut opinor: Si tamen Vitriolum aliquod crudum subsit (nam de maturo verum esse non potest, siquidem à colore & Figura ubi subsit, facile discernitur) fælix erit, qui id vinculum ita dissolvere possit; ut ambo salia per se exhibeantur, & in conspectum veniant.

Deinde haud credibile est, Sal calcarium magis sub se continere Vitriolum quàm sal commune, ubi tamen Pyritæ odor vehemens est; Ut in Fontibus nonnullis falsis, ubi tamen *ne gru* quidem Vitrioli. At de his alii, quibus otium est, videant: nihil equidem affirmo.

### C A P. VIII.

#### *Fontium quorundam Petrificationis ratio.*

**P**etrificationis autem rationem paucis sic intelligo. Pyrites & lapis calcarius (neque enim alia metalla nostra quantum observavi, *lapidescunt*) tota substantia, uti proximè superiore capite dictum est, in istiusmo-  
di

di Fontibus, *Subtili* admodum *aura*, quasi liquantur; Unde quodvis crassum lignum facile penetrant; & *lignei* quidem *Pyrita* ex maximè interna parte lapidescunt: Id quod de pulvere aliquo calcario aut *Ocra*, ut ut subtilissima, vix concipi potest.

Deinde ex istis ligneis *Pyritis*, *Vitriolum* in aëre gignitur; ergo ex tota substantia *Pyritarum* sunt.

*Pyriten* verè ærosum sive venam cupri *Ferrum* in æs (ut hic obiter notem) similiter convertere, hoc est, ipsâ petrificationis ratione jam nunc in aliis duobus succis explicata. At hîc *Ferrum* non magis in æs convertitur, quàm illic lignum in ferrum; neque enim ullâ opus est solutione; at penitus ingreditur succus ærosus ex totâ substantia placidèque coit, ferrum amplectendo.

Contra *Precipitationem* autem aliquam, aut *salis divorium* in petrificatione multa faciunt.

1. NIMITRUM istiusmodi Fontes, ferè non turbari aut, lutulentos fieri.

2. *OCRAM* & lapidem calcarium per se quidem



quidem *dejici* (ut *suprà* expositum est) at *contra* ullam tamen *concretionem*, &c.

## C A P. IX.

*Thermarum ratio*, è *salibus Pyrita & lapidis Calcarii* nascentibus, *sive* *ipsis Pyritis & lapide Calcario* vegetantibus, *deducitur*; *aliaque* *sententiæ refutantur*.

**A**quas nostras *calidas Bathonienses* *atramentosas* esse, & *Salia* duorum generum in se continere, nimirum *Sal commune*, *nitrumque calcarium*: Item *Ocræ* & *lapidem calcarium* exhibere, *suprà* expositum est: quo verò modo *incalescant*, *multum dubii* habet.

Ipse autem sic sentio, *Thermas* nostras à *Pyrite*, & *lapide Calcario Vegetantibus*, *calorem suum mutuare*.

*Sal vulgare* excludo, quòd *ferè solâ* *liquatione nasci videtur*.

Ab *utroque* autem *metallico vegetante halitus calidus* oritur: *Pyritæ* quidem is *maximè Sulphureus*, *vehemens*, & *inflammabilis*; *lapidis autem calcarii* *mitior*, *leviorque*

que est: quod sic probo. De Pyrite autem incipiam.

§. I. UBI Saxa Puteis, Cuniculisve aperiuntur, ubi quidem vapor subtilis, & qui facillimè, Sulphuris instar, accendi potest, metallariisq; adeo summè perniciosus, ferè oritur.

Deinde *Vetustioribus* Metallorum fodinis maximè infestus est iste vapor; quòd ibi longum Spiritui Sulphureo generandi spatium fuit.

Item illud universo consensu testantur Metallarii, puteos subterraneos, totà hyeme, geluque præcipuè tempore, admodum tepidos esse.

Pyriten autem copiosissimè Sulphur edere, suprà probatum est; & ulterius affirmo, in nullo omnino metallo terra Anglia Sulphur inesse, nisi quatenus Pyrites est, Pyritæve mixtum aut participans; non plumbum, non carbonem fossilem, non aluminis metallum, & sic de cæteris quibuscumque metallis similiter affirmo: idque non audacter, aut temerè dictum quis credat; nam multâ experienciâ id tandem didici.

Ut autem scias, quid & quatenus aliquid metallum

metallum Pyritæ particeps est, Magnetem adhibe, metallo debite prius contrito, crematoque, & experimento nunquam frustraberis.

Saxea materia fusa ab incendiis Ætnæ ex bonâ parte ferrea est, ut magnes demonstrat; at eadem in pulverem trita iterumque cremata huic rei abunde fidem fecit, si denudò magnes admoveatur; neque aliud Ferri genus id fuisse quàm Pyriten ex ejus facili accensione credibile est.

Pyritæ autem halitus effectus sunt *Fulmina & Fulgura*, si in cœlo accendantur;

† *Fulmina & Fulgura inquit Plinius, Sulphuris odorem habent, ac lux ipsa eorum Sulphurea est. Plin. lib. 35. c. 15.*

† *Terra motus*, si forte cavis subterraneis accensus

contineatur: *Therma* si per aquarum ductus subterraneos copiose feratur, etiamsi non accendatur.

§. II. *Halitum quoque calidum à lapide calcario Vegetante*, similiter ferri, sic probo.

Universos ferè *Fontes*, puteosque (nam plerique, eatenus medicati existimati sunt, quatenus hoc vel illo sale, copiosius imbuuntur) præcipuè vehementioris gelu tempore tepidos esse, atque admodum copiosè  
etiam



etiam conspicuos, *densissimo vapore humido*,  
Thermarum instar, *halitus emittere*.

De veritate hujus experimenti, scilicet  
aliquot puteos aquarum in Urbe Roma geli  
tempore extra dubium tepidos fuisse, vide  
& consule testimonium. D.

J. Ray. \* nostri, viri, si quis  
alius, rerum naturalium peri-  
tissimi.

\* Itinerario Ang-  
lice scripto.

Calorem autem aliquot Fontium, præter  
experimentum sensus, hæc indicant, scilicet  
plantarum circumnascentium & innatan-  
tium perpetua viriditas.

Item istorum Fontium aquam non facile  
congelari, vel vehementissimâ tempe-  
state.

Istum autem Fontium teporem, adeo sen-  
sibus manifestum, à loci, aut ipsius aqua  
(quæ una ubique est) proprietate, oriri mini-  
mè existimandum est. Sed ab halitu quodam  
calido in ipsis aquarum ductibus subterraneis  
nato.

At præter Pyriten & lapidem Calcarium  
nihil, quòd scio, halituosum emittit vapo-  
rem: atque adeo vel ambobus, vel eo-  
rum alteri iste halitus *calefactionis* attribuen-  
dus est.

Jam verò Pyrites metallum rarius est certè, si cum lapide calcario comparetur; qui ubique ferè ingenti quantitate & *continua* *caute* reperitur, ut suprà posuimus.

Deinde Pyritæ halitus ferè ab Ocrâ vaporante dignoscitur: igitur restat, ut iste Fontium tepor plerumque à lapide calcario oriatur.

A vaporibus calidis Thermas incallescere, hæc quoque faciunt à Philosophis *Parisiensibus* exposita.

1. Quòd in os sumptæ, haud æquè id adurant, ac aqua communis, ad eundem caloris gradum igne culinari calefacta: Id quod à materiæ tenuitate, à qua Therinæ incallescunt, oriri videtur; Siquidem Spiritus Vini dicti flamma, manum haud æquè adurit, ac pruna ei imposita.

2. Ex *coctura* ratione: sunt enim folia quædam, quæ colore tantùm mutato, in calidissimis Galliæ Thermis rigida permanent; cum eadem à levi coctura aquæ ferventis mollia fiunt: unde conjiciunt Thermarum illum calorem desiccativum esse potius, quam humectantem.

3. Quòd Therinæ noctu plus incallescunt, quàm interdiu; scilicet ab aëre noctur-

nocturno vapores calidi nimium dissipantur.

4. Quod Thermarum aqua aëri exposita, calorem suum diutius retinet, quam aqua communis ad ignem calefacta, quod motum ab igne excitatum aër frigidus subito cessare facit. Thermarum verò calidos vapores idem aër frigidus prohibet, nè tam citò dissipentur.

5. Quod Thermarum aqua in ignem imposita, idem temporis spatium ad effervesendum requireret, ac ipsa aqua communis frigida: unde liquet Thermas ab igne aliquo subterraneo non calefactas fuisse. *Hac autem illi.*

His addo, ut Pyritæ & lapidis Calcarii vegetationem halituosam esse probem; nimirum, in udis & humidis, algidisque locis Sallium eorum vegetationem maximè promoveri.

Rursus, à Tonitru ferè *Vehementes pluvias* accidere; quod vix fieri credibile est, si per se, & *Siccus* emitteretur Pyritæ *halitus*.

Cùm autem id vapore aliquo humido per minima miscetur, si quando quacunque de causa, incendi contingat aqueas particulas simul cogi, dejicique necesse est; scilicet *Spi-*



ritu, cujus solius motu & agitatione in auras feruntur, explosio.

Haecenus nostra opinio explicata est; jam ad aliorum de Thermis Opiniones refutandas transeo.

1. Alii autem Thermarum calorem à facili Metallorum quorundam; (Pyritæ puta) accensione oriri existimant.

\* De Thermis.  
Cap. 3. Jourdan.  
de Baln.

Multa sunt mineralia, (inquit Paracelsus) \* quæ ab aëre incenduntur, adeoque aquas in suis regionibus contentas calefaciunt. Id quidè ex parte verum esse potest; at apud nos, id est, id Angliæ Viciniâ, nulli naturaliter Vulcani sunt: Neque enim opus esse arbitror, ut vapor sive spiritus iste Pyritæ reipsâ accendatur, ut aquæ calidæ fiant: Siquidè illum alterum spiritum è lapide calcario; forte ex sua natura, omnino non inflammabilem (nam aliam naturam, si fortè in Halonitrum mutetur, induit) tamen Fontium aquis teporem, notabilem impertire, supra demonstravimus.

2. Corrosionem verò inter salem nescio quem esurinum, & Ferri metallum suprâ refutavimus. At detur, & vel valentissimis Nitri

Nitri spiritus ex aqua dilutus in quemvis pulverem aut lapidis alicujus calcarii puta aut coralli injiciatur, etsi magnum quidem tumultum, calorem tamen non movebit.

3. † Alii *Luctam* inter diversos sales excitatam, sive *conjunctiones contrarias*, caloris causam perhibent.

† Paracelsus De  
baln. na. T. II  
c. 3.

Respondeo, ipsi sales inter se naturaliter non discordant, sed tranquille in eadem aqua permiscuntur. Si tamen unquam in conjunctione ferveant, id non ante evenire solet, quam ignem chimica aliqua præparatione, experti sunt.

Sic oleum Vitrioli dictum, cum aqua simplici commistum, eam statim fervidam facit, non ob aliquam salium contrarietatem, (quæ nulla sunt) sed quod ex distillatione vehementi igneam naturam, Calcis vivæ more retinet. Idem de cæteris Salibus cogita.

4. Quod autem non sit aqua alicujus proprietatis, ex isto Fonte, sive puteo vel tepente vel calido, aqua hauriatur; & mox ea per se Frigescit, & congelatur, halitusque mitti desinunt.

## CAP. IX.

## De Pluviarum Ortu, &amp; Materia.

**S**uperiore Capite ipsius Pyritæ Vaporem humidum esse diximus cum autem universos Fontes à sola pluvia oriri, credibile sit, idque à Wittio † nostro, doctè quidem, aliisque fusè probatum sit; cumque Pluviarum Ortum, vaporì isti humido, tum Pyritarum, tum lapidis Calcarii, magna ex parte, referendum esse existimem; De Pluviarum Ortu & Materia, hic paucis differere, ab instituto nostro non alienum erit.

1. A Calore Solis aqua exhalant, unde pluviis materia multa, at non sola.

2. Huc accedit universorum animalium halitus, etiam Insectorum; quod sensibus liquidò patefit, si sub Vitreis vasculis aliquantisper servantur.

3. Item Plantarum Spiritus: quod autem Plantarum Vita halituosa sit, perinde ut animalium, experimento, admodum feliciter excogitato, demonstravit Will-

sius



ius † quidam Oxoniensis.

† *Historia nat.*

*Agri O. en. D.*

Plot.

Idem quoque multis retrò seculis à Plinio proditum est, de herba Æthiopide, quod tamen Phanomenon ipse inter magicas vanitates posuit. Æthiope herba \* (inquit ille) ex aliis, amnes & stagna siccari conjectu : Ad rem verò deridendam infra addit, Siccentur hodie Æthiopide Pontinæ paludes, tantumque agri suburbana reddatur Italia. Verùm enim verò, si quis diligenter attendat ipsius herbæ descriptionem, quàm paulò infra tradit his verbis, ( Æthiopis † Folia habet magna & multa, radices numerosas, plenas ) atque illam cum experimento supra citato conferat, non ampliùs, ut opinor, de rei veritate dubitare licebit.

\* *Lib. 36. apo. 4.*

† *Lib. 27. c. 24.*

Imò Fontibus, Fluviis, stagnisque quæ innascuntur herbæ, quantam aquæ portionem quotidie hauriant; vix credibile est.

Huc accedit Sylvarum herbarumque in sicco nascentium eadem ratione impensum mirandum. † Nascuntur Fontes ( inquit idem Plinius ) decisis plerumque sylvis, quos arborum alimenta consumeabant.

Item ipse ros nocturnus è plantarum spiritu densato maximè oritur; quòd is Maio mense,

menſe, apud nos longè copioſiſſimus ſit, nimirum cum plantæ vegetiores ſunt, & maxime increſcunt; aliis verò menſibus multo minor eſt, hyeme exiguus ros.

Idem experimentum de *Alga* in aqua marina aliquoties feci; atque ita *aquam dulcem*, & *potabilem* elicere potui, *novo diſtillandi modo*, Nautis quidem optatiſſimo, & utiliſſimo fortè futuro; quod ſine invidia communico.

4. At fortè longè maxima pluviarum materia à ſalibus Metallorum ſubterraneis, & præcipuè *Pyritæ* & lapidis *Calcarii* vegetantibus oritur; ſcilicet à quibus Fontium, Fluminum, Paludumque aquæ, imò ipſum Mare in nebulas copioſè exiguntur: Id quod de Fontibus ſuprà demonſtratum eſt, idem de reliquis quibuſcunque aquis cogita.

In regione aliqua montofa Veſperi in vallibus, æſtate, & hyeme, maxime rigente gelu, denſæ quædam nebulæ à Fluviis & ſtagnis aſſidue oriuntur: ſummo autem mane eædem, medio circiter itinere, montes aſcendiſſe conſpiciuntur: Sole verò orto, vel aliquo vento, aut diſſipantur, aut ſi eodem die, ad montium cacumina, eas pervenire con-

contingat, fere perpetuò in pluviam conden-  
satæ iterùm in valles cadunt. Quòd autem  
id Phænomenon æstate Vesperi, & hyeme,  
maxime gelu tempore, in conspectum ve-  
niat, utriusque eadem ratio est; nimirum à  
purgatissimo aëre, in quem novus vapor re-  
cipitur, id sit.

Nam gelu aër solito tenuior est, scilicet  
ob universas aqueas particulas in pruinam ab  
ipso ortu assidue conversas. Similiter æsta-  
te, maxime vesperi, Fluviorum, puta, va-  
por conspicuus fit; quòd ab æstu idem aër  
interdiu purgatus sit, vapore in altum ass-  
idue rapto.

## CAP. XI.

### *Fontium ex Sulphure foetentium ratio.*

**A**N aqua alicujus *Fontis* ex sua natura,  
vel contentorum ratione foetet, vix ullæ  
dubitandi causa est. Fontibus autem medi-  
catis ex *Sulphure foetentibus* unum, ut supra  
positum est, Sal, idque vulgare, inest. Est  
autem præterea vapor sive halitus Sulphu-  
reus à *Pyritâ* natus. Is autem ex bona parte



*Præcipitari* videtur ipsâ nativitate ; atque ita odor ille putidus illius *dejectionis* effectus est.

*Dejectionis* autem hæc indicia sunt.

1. *Flos* quidam *albicans* universis huiusmodi aquis *innatans* , & circa oras istiusmodi Fontium ubique adhærens. Iste autem flos *merum Sulphur* est. Huc accedit, eas *Argentum tingere* primum subflavo , mox *Nigricante* colore, utpote ejusdem Sulphuris effectus.

2. Deinde *Lutum nigerrimum* ; id quoque *Sulphureum* est.

3. *Festucas* & lapides in istis Fontibus ex *purpura* tingi.

4. Item aqua horum Fontium *Subturbida* est, certè si cum aliis comparatur.

5. *Universæ acidulæ* , certè atramentosæ , quas eatenus ex pyrita oriri supra demonstravimus, si paulò diutius Utriculis servantur, ipsum eundem Sulphureum odorem, cum famosissimis illis in *Vicinia Knazborough*, Spirant.

6. Fontes falsi ut suprâ positum est quibus aqua assidue & multum exhauritur , non putescunt ; atque ita etiam foetentibus falsis contingeret nullus dubitò , si  
iidem

iisdem multâ & improbâ operâ exhauri-  
rentur.

7. Parùm cocta & foetidum odorem,  
& argentum tingendi proprietatem amit-  
tit, halitu scilicet Sulphureo igne exacto,  
mortuoque.

Dejectionis autem causa, certè ex ali-  
qua parte, esse potest ipsius Aquæductus *fra-*  
*cedo*, scilicet ex aqua ibi primùm stagnante,  
ex aliquo accidente: Et reverà universi  
hi Fontes vel stagnare, vel pigerrimi esse  
perhibentur.

Quidni numeremus in hoc censu, ipsius  
*salis vulgaris copiam?*

C A P. XII.

*Varia, quæ Fontes Medicati Angliæ à nostris*  
*Scriptoribus comprehendere dicuntur, bre-*  
*viter examinantur.*

**F**ontes medicati *Anglia* alia atque alia  
continere, ab aliis Scriptoribus nostris,  
qui pauci non sunt, enumerantur. Tantæ  
autem *diversitatis ratio* esse Videtur, Univer-  
sos *unum Vitriolum* quæritalle, sed frustrâ,

Singula autem, ab aliis recensita, jam paucis excutiam.

Imprimis verò *Nitrum*, nescio quo fato, ferè plerisque nostris hominibus placuit.

At *Nitrum* recentiorum *Salpetra*, & *Halonitrum* dictum, tantum non *factitium* est. Illud quidem verum est, id vix alibi uspiam repertum esse, quàm ubi multùm animalia frequentarunt; adeo id *imis* terræ visceribus, & *sub* ipsis *montibus* nasci, per quos plurimi medicati Fontes discurrunt, cogitare durum est.

Fortè arte quâdam *Salpetra* confici possit; cùm tamen lapis nitrosus naturalitèr nullus sit, ut, ex duobus alterum, scilicet vel *Pyrites*, vel *Lapis calcarius*, Nitro materiam præbeat, necesse est.

An fortè isti lapides urina macerandi, vel aliàs præparandi sint, antequam germinent, Posteris excogitare, & rem conficere relinquo.

At quàmvis nulli lapides naturalitèr nitrosi sunt; tamen est quædam gleba ejus salis fertilis, & quæ semel eo sale fœcundatur, ejus germen diutius retinet. Nimirùm eadem *nitrosa Gleba*, sale suo coctione exhausta, si in loco à ventorum & pluviae injuriis libero  
asser-



asservetur, Iterum novo nitro pullulare dicitur: At venti & Pluviae imminutum sallem tantum dissipant; fertilitatis vero causa in ipsa *Gleba* est.

At aliquam multi affirmant, quorundam Fontium Salia in stirias concreescere solere. Leve quidem Nitri indicium! Etiam ipsum Vitrioli oleum dictum, Brumæ tempore in stirias concretum habui, & sic apud me diu servavi. Idem *Coxius noster* perhibet. † Idem de Sale quoque marino, in stirias concreto, supra notavi.

† *Philos. Trans.*  
D. Oldenburg, N.  
103.

At hæc potius ex quadam evaporationis aut concretionis ratione; quam ex salis natura oriuntur. At detur Sal quorundam Fontium in nescio quas informes stirias ex aliqua parte naturaliter coire. Tamen aliæ insigniores Nitri proprietates ex ipsis iisdem autoribus desunt; nimirum, in tenuem flammam coloratam, subito & non sine quodam tonitru & fulgore accendi posse: esse sexangulas ejus Crysallos, &c.

De Nitri vero Antiquorum ejus sententiæ sum, id fortè in *Europa*, certè in his nostris regionibus Borealibus naturaliter nusquam reperiri; siquidem ex Antiquorum descri-

ptione , relationeque , si attendas , istiusmodi sal terræ *Africa* aut *Asia* genus proprium, & , ex toto genere , à nostrò factitio distinctum esse videbitur.

Alii *Sal marinum* quibusdam Fontibus nostris inesse velint ; quibus tamen non inest.

In aliis tamen multis , præter falsos malè olentes , id etiam atramentosis inesse , nihil dubito. Velim tamen *salem crudum* Vitrioli cubico-rhomboidem diligentius attendant , si quando aliquibus Fontium nostrorum examineribus reperiri contingat.

Alii sunt , qui in aliquibus nostris aquis atramentosis pro *Alumine* acriter contendunt ; hi *Chimiam* quoque appellant ; at metallorum minùs periti sunt : Deinde Falsi sunt , cum certum est , eos è cumulo ustulatæ rupis aluminosæ , illos lapides sumpsisse , de quibus experimentum fecerunt. Qui etiam , cum levitèr tantùm cremati sint , tamen vel à fumo contaminati , vel satis temporis ad Vitriolum suum edendum in aëre expositi sunt : Illudque verissimum esse censeo, Universam rupem , quatenus aluminosam , novissimè excisam crudamque , aquam , in qua  
macerata

macerata fuit, atramentosam cum gallis omnino non reddere. Id quod rectè *Wittius noster* attestatus est; & ego diligentè expertus sum. Lixivium autem ustulati lapidis aluminosi, aut etiam crudi, satis diù in aëre expositi, eatenus atramentosum fit, quatenus Pyritæ participavit.

Pyriten autem cum Aluminis metallo ubique esse commistum multa demonstrant. Scilicet in Summo lapidis cremati cumulo, ferè Sulphuris copia, quæ scilicet Pyritæ genuina proles est, reperitur. At ipse quoque *Pyrites* ex aureo suo splendore ibidem in conspectum venit. Et à diligenti examinatore, certè Magnete ritè adhibito, ferè ubique in ipso metallo aluminoso deprehenditur. Ipse etiam illud testor, me Glebam Aluminis ditissimam puram putam ex Hibernia habere, quam curiosè adhuc apud me servo: Alumen verò ex hoc metallo, non aliter quàm Vitriolum è Pyrite assidue efflorescit.

Cùm verò post germinationem plurium mensium hosce pilos aluminosos excuterem, eam cum gallis aquam, in qua soluti fuerunt, minime atramentosam redderent. Porro hi Pili aluminosi, etiam ex annuo incremento  
semper



semper albi manebant ; cum tamen Pyritæ , sive Vitriolici pili etiam proximè à nativitate *Viridescant*. Item illos fuisse ipsum Alumen, vel ex gustu eorum subdulci , & maximè austero , cuilibet discernere facile est : De ipsius autem aluminis & Vitrioli Crystallis , ut differant , suprà expositum est. Attamen Aluminis metalla sincera , & omni Pyrite vacua , certè apud nos , quod scio, rarissimè reperta sunt.

His adde, ipsum Alumen alvum vehementè comprimere ; At acidulæ nostræ atramentosæ , quibus id maximè inesse dicitur , ventrem solvere , ut sunt aquæ Fontis *Scarborgensis* ; & ex Sulphure foetentes juxta *Harrigate*.

Alii rursum ipsam Ocram Fontis *Scarborgensis* , ( ne quid Omittam , quod ab aliis minùs verisimile dictum sit ) esse terram aluminosam , sive aluminis metallum affirmant. At hi forte Magnetis experimento vix fidem habent ; quod tamen verissimum est. Nam illa ipsa Ocra , quæ pauca , levique *Bal. Mar.* dict. calore dejicitur , si debite ustuletur , & libentè Magneti obsequi , & si diutiùs loco humido servetur , ubi germinet , etiam Vitriolum Ferri viride edet :

Hæc

Hæc autem, propria experientia edoctus, ipse testor.

At ulteriùs objicitur, hujus proximè nominati, aliorumque quorundam Fontium aquarum etiam atramentosarum, ut thermarum Bathoniensium contenta, etiam si diutiùs calcinentur, albescere; Respondeo.

Ocræ ferè in Thermis, alibique in frigidis medicatis avolare solere, & quasi spiritus, sui certè generis, quandam rationem subire, ut suprà expositum est.

Item si lenis sit coctio, ex parte quidem rejicitur; ut etiam sponte per se, aut cum galla cadit. Ita ut, id in aquis quibusdam atramentosis contineri, nihil dubii sit. Item in aliis, ubi abundat, ut in *Maltonensibus*, etiam contenta calcinata, ut ipsa Ocræ cremata, admodum rubescunt. Adeoque ex paucitate Ocræ albescunt; unde non sequitur ipsam Ocræ in istis aquis, ideo non fuisse; ubi illam extare multis aliis argumentis demonstratur. Deinde, etiamsi omnino nihil è contentis crematis Magnes attrahat; tamen nihilominus Ferri metallum ibi esse posse, credibile est.

Nam ex ipso Chalybe Vitriolum confectum, etiam

etiam non levitèr ustulatum, Magnes non attrahit, Ut ipse expertus sum. Adeo à reliquis partibus inter se cominixtis, maximèque salinis, admodum diligentèr purgetur, necesse est; ut experimentum Magnetis ritè succedat.

De *Bitumine* autem in Thermis nostris Bathoniensibus, *Majo*, *Junio*, & *Julio* præcipuè colligendo, nihil habeo, quòd affirmem: Cùm nondum mihi certò constat, id bitumen esse; nam à duobus viris probis, ejus *urbis* indigenis, illius bituminis dicti haud modicam quantitatem transmissam habui. At id totum ex corporum strigmentis fuisse affirmo, & aliud præterea nihil. Adde quòd; iis tantùm mensibus colligi perhibetur, cùm Thermæ maximè frequentantur.

F I N I S.



MARTINI LISTER,  
*è Societ. Reg. Londin.*

Novæ ac Curiosæ

Exercitationes & Descriptiones

THERMARUM

AC

FONTIUM

Medicamentorum ANGLIÆ.

Eorum originem, salubrem usum & po-  
tationis modum tradentes.

EXERCITATIO ALTERA.



L O N D I N I,

Typis R. E. Impensis W. Kettilby ad Insigne  
Capitis Episcopalis in Cœmeterio S. Pauli.

MDCCCLXXXVI.



## LECTORI SALUTEM.

**I**n hac alterâ exercitatione  
de Fontibus Medicatis  
Angliæ, quam raptim  
scripsi & penè invitus  
edidi, sententiam meam, an conje-  
cturas quasdam tumultuarias, de  
rebus quibusdam Medicis liberè di-  
xi. Illa, fateor, subtilis quorun-  
dam medicinæ ratio, hujus seculi de-  
licia, mihi certè medicinam facienti  
magno usui non fuit; evidentes &  
externas rerum causas maximè at-  
tendere soleo, neque eas admodum  
explicare studui, fortè quòd crassiori  
Minervâ sim natus; Antiquorum  
ferè doctrinâ contentus, siqua apud  
eos verisimilia crediderim, ea ex  
novis Inventis expedire volui: Ne-  
que enim Nostri homines magis er-  
rârunt, quàm ubi omnium seculorum  
principes viros, tanquam doctrinâ  
exautoratos, neglexerunt; in quo-  
rum



## PRÆFATIO.

rum tamen scriptis, velut ex aliquo  
profundo puteo, sapientia & veritas  
exantlanda est; Ipsi, mihi certè, al-  
tera Natura sunt; imò summà dili-  
gentiâ & improbo labore adhibito in  
multis utique sapuerunt: Adeoque  
hæc nostra, quòd ferè ex veterum  
doctrinâ oriantur, mihi maximè ar-  
rident; cibum certè in ventre putre-  
scere, Plistonium, Praxagoræ di-  
scipulum, auctorem antiquissimum  
habet, uti videre licet apud C. Cel-  
sum ipsâ præfatione; at ejus rei ex-  
plicatio (nam nudo tantum nomine  
apud Celsum, nec alibi occurrit) uti-  
que nova est, & nusquam, quod scio,  
ante me perhibita. Idem etiam tu ve-  
lim cogites de Pituitâ veterum &  
Bile, nisi quòd hi humores etiam ab  
infinite Scriptoribus expositi sint.

At si eorum doctrinam Physiolo-  
gicam parvi facimus, rerum tamen  
medicarum virtutes ab iis proditas,

in

## PRÆFATIO.

in aliorum solamen, æstimemus. Illud quidem verissimum est, ex Indiis repertis plurima medicamenta Antiquorum cumulo Nostros adjecisse; at ea ferè omnia, nescio quo fato, adhuc frustra cognita sunt; nisi quod veteribus alia, atque alia nostris hominibus rerum virtutes experundi ratio sit: imò quod pejus est, & quæ agrorum summa calamitas, novis commentariolis nostris antiquas res turbavimus,

Nostrorum autem Fontium medicatorum virtutes novas & inauditas hîc non prædico, ab aliis eas discere malim, etiam à bibentibus haud jussu meo; atque adeò non nisi quæ vulgo nota sunt, narro. Si cui hæc ratio displicet, meliora, per me licet, proferat.

IN-

# I N D E X.

## Capitulum.

1. **D**E concoctione ventriculi & humoribus.

2. *Medicamentorum Fontium Angliæ effectus in corpora humana investigantur.*

3. *Salium Glebarumque in fontibus Angliæ medicatis repertorum qualitates exponuntur.*

4. *De variis usibus aquarum medicamentorum Angliæ, opiniones aliorum.*

D E



## D E

## Fontibus medicatis Angliæ,

## Exercitatio Altera.

## C A P. I.

*De Contoctione Ventriculi & Humoribus.*

**S**uperiore aliquâ Exercitatione, non ita pridem à me editâ, Fontium medicatorum *Angliæ* salia, terrenaſque glebas eorundem expoſui; item tam ſalium, quàm glebarum originem & naſcendi modum ex plantarum germinantium quâdam analogiâ demonſtravimus: quibus poſitis, & Thermarum perennis calor, & petrificatio facilè intelliguntur. In hâc autem alterâ exercitatione de utilitate & effectibus Fontium eorundem in corpora humana, aliquid, at id quidem paucis, ex noſtro inſtituto, & valetudinis ratione modicâ, dicendum putavi. Cùm verò medicamenta in ægris corporibus tum

E denum.

demum optimè adhibentur, ubi sanitatis ratio rectè explicata est; cumque ea, maximam partem, in concoctione ventriculi & humoribus benè habitis consistat, horum expositionem, prout à me quidem concipiuntur, primùm aggrediar.

Concoctio autem præcipua est; atque adeò de eà apud Antiquos & Recentiores summa contentio est: nostra autem sic se habet opinio, cibum potionemque in ventriculo in chylum putrescere solere; neque enim naturalitèr omnino ulla alia resolutio est rerum concoctibilium, *extra animal positarum*, uti omnia quidem sunt, quæ in stomacho & intestinis continentur: nimirùm herbarum, carnes, pisces, vinum; cerevisiæ atque similiter id genus universus victus noster naturalitèr putrescit.

Hujus autem putredinis ferè hæc est conditio, cibum potionemque tabescendo in humorem quendam falsum, ejus, qui in urinâ continetur æmulum, corruptione quâdam mutari.

Istiusmodi autem putredinis in ventriculo, hæc quoque, præter supra positum (quod tamen unum, mihi certè, demonstrationis loco est) argumenta sunt: Nimirùm, vinum

num potionésque ex hordeo confectas &c.  
naturalitèr putrescendo acescere : imò illo-  
& rum, & suo genere vel optimorum, putredi-  
nem acidam, quàm citò id contingere solet,  
à ventriculo concoquente nemo non in se  
ipso aliquando & expertus & miratus  
est.

Item, Fænum madidum ; dum putre-  
scit, accenditur, scilicet, à proprio halitu  
fervido, & inflammabili : ad eundem mo-  
dum, dùm Frumenta quæque, aut fructus,  
scilicet omnis victus ex genere herbaceo  
confectus, in ventriculo putrescit, idem  
halitus inflammabilis per intestina copiose  
explodi solet ; atque ipsum eundem hali-  
tum à reliquo victu, tam carne, quam pi-  
sce, illic & alibi putrescente, oriri, nullus  
dubito.

Huc accedit, apud Gallos, politissimam  
gentem, plerasque carnes ex omni memoria  
propriâ velut putredine condiri solere, ut  
minus laboris facessant stomacho conco-  
quenti : Imò ipsa experientia nos abundè  
docet, concoctu difficilia non facilè cor-  
rumpi, & contrâ, facilè concoqui quæ facilè  
corrumpuntur, id quod testatur *Galenus, de*  
*Aliment. facultatib. l. 1.*



Rursus, apud omnes in confesso est, Fermenta & pani & potioni adjecta, concoctionem rerum, quibus addita sunt, in ventriculo adjuvare: At id fit earum corruptionem accelerando; de quâ re consulas velim Medicos antiquos, qui diligentèr de alimentorum facultatibus scripserunt. *Panis fermentatus*, inquit C. Celsus, facile intus corrumpitur: at panis sine fermento minimè intus vitiat. Item inter ea, quæ facilitè intus corrumpuntur, numeratur Lac, scilicet, puerorum nutrimentum: *Inter omnia tamen qua mandimus*, inquit Galenus Alim. l. 3. *lac optimum, optimique succi est.* Item Caseus & recens & vetus: at is mirificè concoctionem adjuvat ex quotidianâ omnium experientiâ: ejus rei ratio est, quòd jam bis corruptus est, sc. semel in lacte atque iterum coaguli adjectione, id quod fieri solet ex ipso stomacho vitulino corrupto olidoque, sale insuper macerato: imò, ac si is post tantas rationes non satis putresceret, aliqui, imò plurimi, etiam ipsum putridum caseum quàm avidissimè appetunt.

Porro, ex iis, quæ concoctionem ventriculi adjuvant, præcipuum esse sal commune & marinum: item salia, Alkalisata dicta,

dicta, scilicet ex herbarum crematarum  
lixivio confecta: item *Acetum*, succi aceto-  
si Limonum putà, &c. hæc, inquam, om-  
nia extrà adhibita, quamvis cibum aliàs  
condiunt, & à putredine conservare viden-  
tur; tamen putredinem concoquentem in-  
tùs & in stomacho maximè promovent: cu-  
jus quidem rei hæc indicia sunt, nimirum,  
quòd ipsa aqua inarina, atque universi fon-  
tes salsi, prout superiore Exercitatione nar-  
ravimus, citissimè, solique è fontibus me-  
dicatis, & præter modum, non sine insigni  
fætorè naturalitèr putrescunt: quod de  
aquâ aliquâ dulci cujusvis generis, sive plu-  
viatili, sive lacustri minùs verum est. Item  
ipsa salsamenta, tam piscium, quàm carnis  
alicujus, sive ea liquida & ex muriâ mace-  
rata servantur, sive arida & ex sale siccen-  
tur, verè tamen putrescunt: id quod tam ex  
odore, quàm maximè ex juscu'o istiusmodi  
salsamentorum, si coquantur, cuivis gustan-  
ti & diligentèr res examinanti, manifestum  
est. At ea condimenti ratio est, - aërem  
plurimum excludi, dum diluto salinò  
(id est, ob crassitudinem liquoris) sal-  
samenta servantur, item sal vermicu-  
los prohibet aliave innasci animalia,

quæ sc. salis gustu nimis infesto amoven-  
tur.

Item huc facit, Pisces marinos, vel maxi-  
mâ diligentia adhibitâ, si per se siccentur,  
(quod tamen multis piscium generibus fieri  
solet) salern quendam urinosum vehementer  
olere, eoque supra fidem abundare, id est,  
sale naturaliter e putredine orto.

Item, cibi etiam ex aquâ elixatio, ejus  
est quædam putredo; siquidem coquis no-  
tum est, carnem quamlibet aquâ frigidâ vel  
leviter lotam citius putrescere, etiamsi illi-  
cò affetur, quàm illotam, & aquâ omnino  
intacta.

Item, cruda & parum cocta carne ve-  
scentibus Dysenteria oriri solet, ut ferè  
militibus in castris contingit: scilicet, pri-  
mum e lento & viscoso quodam chylo mox  
sanguine interstincto, &c. ejus autem lentor-  
is ratio est, subcrudam carnem multò mi-  
nus putrescere, certè inassueto, quàm eli-  
xam: dejectionum autem lentorem ejus rei  
esse indicium hoc experimento evincitur.  
*Ierthyocolla* in s. q. aquæ fontanæ coquatur,  
fac gelatinam, ut moris est; stet, donec  
putrescat, id quod citius æstate fit; iterum  
vel leviter incalescat ad ignem, non am-  
plius



plius in gluten coibit, sed fit limpidum & minimè lentum jusculum; adeoque veteres rectè existimârunt, omnem in sanguine lentorem ejus cruditatis indicium esse.

His accedit, Herbas, si benè stercoratae sint, optimè virescere, & uberrimum fructum ferre; stercus autem (scilicet aliquid ex animalibus & plantis corruptis ferè confectum) quò putridius, eò melius. *At*

*nutritoria Functio, ex veterum \* doctrina, cum natura-  
ralis, non vitalis sit, haud*

*\* Galen. de Sympt. Caus. lib. 2.*

*aliter in animalibus, quàm in plantis perficitur:* Et si nutritio, multò magis concoctio, à vitalitate amovenda est, siquidem hæc quidem extra nos, illa verò intus & in nobis & in plantis confici solet: Ut quidem dum pascimur, nos ipsi, perinde ut plantæ (absit verbo fastidium) stercoramur; neque aliud magis inter hominem & plantam interesse videtur, quàm quod planta intestinis careat, sive (quod ad idem redit) ea extra versa sint, lacteasque in cortice habeat.

Nimius essem, si omnia, huc facientia, explicarem. Unum addam; ventriculum & intestina plurimorum Insectorum in om-

nibus animalibus locum proprium & nativum esse; scilicet, animalium putredine naturaliter certè nutriendorum.

At, inquires, cibum in ventriculo ferè citra ullum ingratum putredinis odorem confici. Id tantum ex parte concedi potest. Nam valetudinarii, quibus superius ventriculi os minus comprimitur, etiam inviti aliter sentiunt, deque mirâ aciditate ex omni portione queruntur, item de nescio quibus ructibus, tanquam ex ovibus putridis: Imò. idem à flatulentis & inusitatis cibis, etiam validis non rarò contingere solet; scilicet in ventriculi os impetum facientibus. At ne sit nobis ingratus odor à putrescente cibo, naturaliter ventriculi os constringitur. Deinde, in ventriculo cibum solidum, portionemque paucis horis putrescendo liquari, quod non nisi post aliquot dies fit in aëre, adeoque minus gravem esse sensibus nostris: Hujus autem subitaneæ putredinis argumentum est, urinam bis putrescere debere, ut ejus sal volatile faciliùs extricetur, scilicet semel in ventriculo, atque iterum in aëre. Verumetiam, ipsa Alimentorum consuetudo minus fastidium nobis parit, etenim aquæ puræ, & vini tantum potatoribus, Hispanis putà, non putidior

dior potio, quàm cerevisia nostra; ipsis scilicet doliorum fracedinem inusitatam, quam istiusmodi potiones vehementer redolent, abominantibus.

At ipsius Urinæ, & Excrementorum ab intestinis excretorum fætor pro nobis facit, & corruptionem aliquam in concoctione omnino arguit. Corruptelam cibi, inquit † Galenus, sequitur necessariorum excrementorum fætor, excrementa autem nunquam non fætent, etiam admodum sanis: Atque adeo crapulæ ratio, meâ quidem sententiâ, non in aliquâ cibi corruptela consistit; at è contrâ in ejus cruditate, scilicet, quod is minus, quàm par est, in ventriculo corrumpatur: Imò liquet, sic affectis, cibos, sive id vinum sive caro sit, ad plures horas, imò interdum dies, ex integro ferè rejectos esse.

† De Sympt. differens.

Hujus autem putredinis concoquentis instrumenta sunt ipse loci calor: nèque id alienum est à Veterum doctrinâ; quæ calidis in locis diutius manent (inquit † Galenus) ea computrescere, necesse est.

† De Euthym.

Item, superioris concoctionis ipsa fracedo; atque ita cibus inusitatus \* ferè inutilis, & concoctui difficilis est.

\* C. Cels.

E 5

Item,



Item, ipsam Pituitam non excludo per universam intestina excretam, at præcipuè ab ore ortam. Pituitæ autem vis putrescens non alibi magis apparet, quàm in animalium venenatorum morsibus, à quibus funesta putredo paucis horis oritur. Ob humorem, (u

\* De Euchym.  
item de natur.  
Facult. l. 3.

testatur idem \* Author) quem venenata animalia in istam partem infligunt, illam vel celeritè vitâ privari, vel in putredinem labi. Illud etiam experimentum Galenus aliquoties inculcat huic rei apprimè faciens, scilicet Scorpionem; jejuni hominis sputo bis terve aspersum protinus interire. Deinde non alibi magis aut citius putrescit cibus, quàm inter dentes (scilicet ob salivæ recentis effluxum) si quis forte ibi intercipiatur.

Chylum autem à putrescentibus cibis in ventriculo ortum, necessariò salsum esse constat; quod à plantarum carniùmve omnium genum putredine, quibus sc. vescimur, istiusmodi sal ante omnia oriri solet: Deinde ipsa Urina, ab ipso è venis exitu, falsa est; item sudor, similiter à subtili pororum transpiratione assiduè emergens, utique falsus est.

Atque hæc hætenus de Concoctione Chyli in ventriculo, ejusque naturali falsedine

dine. Chylum autem falsum in vasa lactea  
proximè ab intestinis assumi, credibile est,  
imò ipsum ejus ingressum sic olim demon-  
stravimus. Cani inediâ quadraginta mini-  
mum horarum admodum famelico carnis  
coctæ aridæ & sine ullo humido aliquot un-  
cias dedimus: Hujus autem Duodenum post  
quinque horas \* perforavimus,  
& immisso clystere aquam  
tepidam ex Indigo trito benè  
tinctam, ad integram libram  
injecimus; deinde foramine confuto, ca-  
nem, vinculis solutum, in pedes conjecimus  
ad horas tres; quo tempore iterum aperto  
abdomine, lacteas cæruleo liquore refertas,  
non sine voluptate contemplati sumus; idem  
autem Experimentum ab aliis nostris Ana-  
tomicis multâ varietate nuper confirmatum  
est, ut jam satis constet, eas venas, maximè  
si ab ullâ causâ labefactentur, non liquores  
tantum coloratos, sed crassiusculos etiam  
pulveres, & faciliè & copiose admissuras.

\* De hoc Experi-  
mento conficiendo,  
vide plura AGIS  
Phil. London.

Ipsius autem Chyli ingressus in lacteas ra-  
tionem, Suctio aliqua, ut opinor, optimè  
explicat. Quòd, ut à jam positis videtur,  
ab aliquo animali, admodum famelico, sine  
ullo delectu & raptim quidem perficitur;



imò fames non nisi quidam Suctionis sensus est. A sano autem & minimè fame inacerato, haud ita. His adde, subitaneam ex liquidis refectionem. Deinde, quicquid intra corpus assumitur, Ore assumitur, atque adeo alibi à similibus Facultatibus, si opus est, Chylum assumi verisimile est. At Chylus, dum in intestinis est, haud adhuc corporis indigena est, adeoque denuò venarum osculis recipiendus est, perinde ut primum intesti-  
norum magno ore receptus est: Imò ipsum capitis Os non nisi communis aliquis ingressus sive iter est ad *lacteas*, quæ sola animalis vera oscula sunt. Rursus, cum Intestine-  
rum compressio & repletio ad ingressum chyli per se nihil efficiant, uti ex experi-  
mentis nostris aliorumque satis constat; cumque ille alter arteriarum pulsus (hu-  
morum in corporis habitu movendorum unicus antor) hic ex positis necessario  
deficiat, suctio sola restat, quâ *lacte-  
as* subire possit chylus in intestinis confe-  
ctus.

Chyli autem in venas *Lacteas* recepti in  
subclaviam iter jam satis cognitum est; mox  
verò cordis & arteriarum assiduo motu in  
universum corporis habitum propellitur.

At



At quoties renes adpellat cutémque in ullâ ferè parte, idque assiduè fit, toties ab humore ejus falso paulatim defæcatur. Atque ipse idem chylus, à sale benè purgatus, fit lymphâ, plerisq; sanguinis Serum dictum. Igitur pars chyli, quæ residet purissima Lymphâ esto.

Vetus autem chylus sive Lymphâ, integer humor est; etiam dum adhuc in venis arteriisque circumagitur. Etenim sanguis è venis missus, frigore quidem contrahitur; at id intelligi non debet, perinde ut in lacte constricto, ubi pars caseosa à sero separatur. Nam vetus chylus sive lymphâ, quæ à sanguinis grumo decedit, quæque à venis missa, sanguinis serum plerisque audit, ejus pars non est: cui rei illud abundè fidem facit, lympham propriis vasis dimidium circuitûs semper conficere solere: Deinde, lymphâ, sive id serum magis appellare, ab ipso sanguine naturalitèr recedit vel paucissimis momentis post sectam venam, in lacte verò id ægrè contingit & non sine acido aliquo vel innato vel adjecto. Item, in universis dejectionibus vel turbatur liquor, vel semper aliquid supernatat, ut in lacte & urinis vel maximè sanorum; at neutrum quidem in sano-

rum sanguine misso fit ; estque adeo alius humor sanguinis grumus ruber , atque alius chylus sive lymphæ , sanguinisve serum plerisque dictum.

Hactenus humorem à concoctione ortum in triplici statu vidimus ; scilicet primum in chylo , dum in ventriculo is conficitur , extraque ipsum corpus in intestinis adhuc habetur ; alter verò ejus status est , ubi in lacteis vasis receptus est ; nimirum ubi primum intra corpus admissus , ejusque adeo humor jam propriè appellandus est ; in hoc autem statu ab intestinorum chylo parum differt , nisi fortè quòd pars ejus medio itinere glandulis mesentericis paulò amplius , quàm in lactearum suctione , purgetur ; siquidem adhuc subsalsus est , & subalbescit , imò etiam aliàs colorari potest , ut constat ex artificio quodam nostro suprà exposito ; eandemque tamen , aut paulo tenuiorem , propter lympham additam , consistentiam retinet , motusque lymphæ fit particeps , eoque ex parte in subclaviam promovetur. Tertius autem chyli status est , ubi in venis Lymphæque ductibus adhuc à sale suo purgator , liquidiorque est , opacitatèque omnem & albedinem deposuit.

An

An verò ipsum arteriarum contentum rubrum, id est, sanguinis refrigerati grumtis; item ipsa lymphæ propriis vasis venisque scilicet communi cum sanguine receptaculo circumacta, à chylo oriantur, vel per se ante extiterint, mihi quidem haud dubium est. Etenim, ut opinor, omnes corporis partes organicas, simul cum ipsâ animali matre prototypâ ab omni ævo connasci, ipsûmque adeo sanguinem lymphamque iisdem natalibus deberi existimandum est; siquidem vascula prorsus inania nasci, mihi quidem cogitare durum est. De puncto autem saliente rubro, is quidem nobis tantum conspicientibus, vitæ sive motûs cuiusdam istius humoris initium est.

Dentur igitur ab ipsâ creatione vasa sanguinea & lymphæ ductus, eorûmque humores proprii, nativi, & radicales, nimirum sanguis & lymphæ; atque liquidò constat, nobis nascentibus chylum suffici in nutritionis materiam tam horum primariorum humorum, quàm reliquarum partium organicarum; scilicet ab uno chylo & ipsius sanguinis & lymphæ & reliquarum partium nutritio & incrementum est.

An verò chylus ex toto à lacteis vasis absorbea-



forbeatur, hæreo: Illud quidem libentè concedo, in multis animalibus ejus longè maximam partem, & quæ Lymphæ magis affinis sit, ea subire; at chyli fortè alteram & crassiorem partem etsi multo minorem, sanguini propriè sic dicto nutriendo dicatam, proximè à venis mesentericis assumi, credibile est; siquidem non video, quomodo sanguinis grumus è re tam dissimili, & colore & consistentiâ, ut ejus serum quidem est, confici possit; nisi inquam in chylicatione (quæ mera ciborum tabescentia est) aliæ atque aliæ partes in diversa itinera promoveantur. Deinde ea ponderosiora esse videntur, è quibus sanguinis grumus confici debet, quàm ut ad subclaviam, nullo ferè impetu adjuvante, deduci possint: Neque enim venæ huic muneri prorsus ineptæ sunt, siquidem si pulmonem attendas, siquis aër inspiratus per bronchias in sanguinem admissus fuerit, id tantùm venarum capillarium attractione fieri potest; ad hæc, ferè infinita animalium genera *lacteis* carent. Rursus, utriusque itineris, scilicet & chyli & venarum mesentericarum, eadem ratio est; nimirum idem anfractus & venarum abruptio; in chyli autem itinere venæ lacteæ primi & secundi  
gene-

generis dict. Glandulis mesentericis inferuntur, id est, unâ & eâdem ventione bis fiunt capillares: quorsum illud? non ut aliquod fermentum, (quod quibusdam gratis dictum est) à glandulis mutuentur; aut secretionem aliquâ multùm purgetur; nam chylus albus qui glandulas intrat, idem etiam ab iis albus exit; sed eâ tantùm ratione, ne, cùm aliquid ab extra necessariò assumendum sit, etiam ipse aer simul irruat: ad eundem modum cum mesentericæ venæ aliquid alimenti sanguini propriè sic dicto conficiendo ab intestinis assidue attrahant, hepaticque ferant, etiam ipsas itinere suo abrumpi necesse est, ne eadem calamitas, iis infirmatis, ab aëre externo, si forte simul admittatur, aliquando accadat. Adhæc, venæ totius corporis reliquæ, quæ nihil præter unum sanguinem ab arteriis assumptum referunt, omnino integræ & minimè abruptæ ad ipsum usque cor continuo itinere deducuntur. Postremò, hæc ratione is chylus terrestrior, à bile ex bonâ parte purgari potest, antequam reliquum sanguinem suâ amaritudine inficiat; sed de his omnibus, dubito; neque aliquid libentè affirmo, atque hæc quidem obiter.

*Illud*

Illud autem silentio prætereundum non est, arteriis venisque plus Lymphæ semper contineri, quàm sanguini diluendo opus sit; siquidem vel à longo jejunio, de eâ aliquid separatur. At Lymphæ ductus, ut opinor, promptuarii loco sunt, & quemadmodum illinc novus chylus per *lacteas* ipsis venis aliquando suppeditatur, ita hinc supervacaneus & vetus chylus lymphæ ductibus reponitur, & assiduè venis denuò sufficitur. Etenim quamvis sanguinis circuitûs præcipua vis à cordis systole habeatur; at ne id quidem sufficeret ad sanguinem fluidum præstandum, nisi lymphæ quoque assiduum supplementum eo ulterius omni momento diluendo adjiceretur. Atque illa forte è præcipuis rationibus est *Divertii* alicujus portionis Lymphæ in propriis vasis; scilicet cur Lympha vasis peculiaribus, etsi communi quidem Circuitûs lege cum venis ferè obstructa sit, ex dimidio itinere promoveatur.

Utrûmque autem sanguinem tam is qui in arteriis, quàm qui in venis continetur, eundem lymphæ modo in se habere, credibile est. Etenim illa sanguinis ex arteriis missi, etiamsi coagulo ejus maximè implicetur,



tur, brevi tamen post ipsum illud coagulum, lymphâ, demissâ, paulatim subsidet.

Concoctione autem, id est, chyli origine, motu, usu, item ejus discrimine à sanguine propriè sic dicto, lymphâque aliis atque aliis natalibus hactenus explicato, reliqua jam persequemur; scilicet quo modo purgentur iidem humores variâ secretionem in aliis atque aliis corporis partibus.

Humores autem à Secretione nati vel maximè utiles sunt, & ad speciei conservationem destinati, ut lac, humorque genitalis; vel minùs utiles & supervacanei, & velut rejectanea corporis sunt, ut Urina, Sudor, Bilis, Pituita: Nam quæ per Colon excernuntur, in horum censu minimè ponenda sunt; quòd intra corporis habitum non fuerint unquam, nisi quatenus illorum vel ipsa stercora aliquando participaverint.

Humorum autem paradigma sic institui potest.


Humores

{ Primarii

{ Sanguis propriè sic dictus.

{ Serum sive lymphâ.

à con-



Ex hoc autem Schemate patet, sanguinem & lympham esse humores medios post Recentiores interse, scilicet inter chylum à concoctione & Pituitam, &c. à secretione aptos. Ut autem humores posteri, sive ex altera parte animalis secretionis aliquâ nati, facilius intelligantur, singula paucis exponam. Igitur, cum duo tantum ipsius animalis proprii & primarii humores sunt, nimirum sanguis & lymphâ, utriusque etiam distincta & peculiaris recrementa esse, verisimile: Adeoque à sanguine propriè sic dicto una bilis oriri videtur. Unde sequetur à solâ lymphâ reliquos humores derivari; nisi quoque chylus, quod tamen ad idem ferè redit,

redit, plurium & maximarum secretionum  
proximus author existimandus esset. Ete-  
nim ab ipsâ lymphâ, id est, veteri chylo,  
humor genitalis oritur; à recenti urina, &  
sudor; à recentissimo, id est, minus pur-  
gato, lac; à purgatissimo chylo, Pituita:  
Atque adeò hujusmodi alterum Schema  
delineamus.

Humores, secretione confecti, ori-  
untur

Vel	{	ab ipso sanguine propriè sic dicto, ut   Bilis.
	{	à chylo novo, & minùs purgato   Lac.
	{	à chylo recenti   Urina.   Sudor.
	{	à lymphâ purgatâ   Pituita.
	{	à lymphâ purgatissimâ & veteri   Humor genitalis.

Singulos autem quosque humores, prout  
in



in Paradigmate exhibiti sunt, jam breviter percurram. Igitur à sanguine propriè sic dicto, qui unus ex humoribus primariis sive radicalibus est, Bilem oriri diximus; cui rei hæc quidem fidem faciunt. Quod hujus perinde atque illius exiguus modus est, certè præ reliquis corporis humoribus; atque adeò vesicula Felleis rarò dimidio plenior est; at nè is quidem ipse humor totus quantus è venis missus sanguis existimandus est; sed neque pars ejus grumosa, nisi quatenus ab omni chylo, sive lymphâ, ex toto purgata est: Quod bilis secretio pigerrima est, perinde ut ipsius sanguinis nutritio & incrementum; id quod tum demùm manifestum est, si quâ de causâ is disperdi contigerit; ut ferè fit à vehementi aliquâ Hæmorrhagiâ, &c. Quod animalia, ut insecta plerâque quæ sanguine sive succo venarum non rubro prædita sunt, nec bilem (quantum scio) habent: Quod ipsius sanguinis & bilis color quodammodo communis est; nam qui picturâ versantur benè intelligunt, quàm facilis sit mutatio à rubro ad subflavum viridemve: His adde, alios in corpore omnino nullos humores esse coloratos, præter anum sanguinem & bilem.

Lac autem unde, secernatur, multum dubii habet; à chylo autem novo & vix purgato, ut opinor, oritur. Etenim mammas nutricibus proximè à cibo potioneque subito lacte repleri notum est; à quo id è chylo novo confici colligimus; ipseque chylus paucis (si tamen ullis opus sit) circuitibus satis purgatur, ut ab ipso lacte minùs differat. Adhæc, lacteis venis carent aves, insecta, & ovipara quæque, id est, animalia quibus mammæ usui non sunt; ac si venæ lacteæ ejusque receptaculum mammarum aliquando administrare natæ sint; de modo autem alii videant: Illud tamen addam, ubi venæ lacteæ defunt, ibi etiam nec iidem lymphæ ductus reperiuntur; unde conjicio, lymphæ adjectionem in lacteis venis non tantum chyli dilutioni, ejusque motui inservire, sed etiam ne nimium citò & tenacitèr sanguinis grumo chylus implicetur, aut contaminetur; siquidem eadem lymphæ à sanguine assidue idque sæpiùs in die separatur; ac si ideò aliquod symbolum ei daretur, quod cum novo chylo, in venis lacteis promotò, communicaret, scilicet ex integro per sanguinis massam pertranseundi: Item, illud notes velim, chylum in  
*subcla-*

*subclaviam* iter moliri, ne, cum ex eo conficeretur lac, fellis amaritudinem sapiat, cum mesentericæ venæ felli purgando ex omnium consensu dicantur. Ad hæc, lactis, Vaccini putà, quod ultimò prolicetur, ut mulieribus villicis benè notum est, non solùm instar chyli crassius est, sed multò magis, perinde ut ipse chylus certè si parùm coquatur, ut mos est, falsedinem quandam sapit; ac si id eo emulgendi instanti & assiduè in mammis conficeretur, ipsâque inanitionis vehementi operâ velut forti aliquâ suctione ipsæ mammarum à crudiore chylo subinde replerentur: Unde etiam conjicio, lac tenue & limpidum, quale est à muliere & à solidungulis quibusdam, non ideo laudatur, quòd mitius est & minùs nutrit, sed è contra, quòd ab eo *Tzibidi* plurimùm & valentèr reficiantur, cum ei multum lymphæ misceri videatur, scilicet humoris, siquis alius, utique nutritii & purgatissimi.

Urinæ autem sudorisque ferè eadem est natura., scilicet vehementèr salsa; atque adeo utriusque origo quædam communis censenda est: At id genus salem à putrescente victu nostro nasci suprâ ostendimus;

nimi-



nimirum, recens confectus chylus falsus est, à qua falsedine, postquam in venas receptus est, per urinam, sudorem, aut ipsum etiam pulmonis halitum, aut, quod ferè idem est, per insensibilem transpirationem assidue purgari videtur.

Ad Pituitam autem accedo, cujus natiuitas à lymphâ purgatâ esse videtur, siquidem ambo naturalitèr leni aliquo calore facile contrahantur; hujus autem rei, inter alia plurima, illud quidem evidens indicium est, Narium, Palati, Pulmonis, Intestinorum mucum (quæ omnia una pituita sunt) naturalitèr crassescere. Ad hæc, eadem pituita in Piscibus putà & Limacibus, quorum scilicet succus vitalis frigidus est, etiam ipso frigore similiter crassescit, perinde ut à quibusdam de ipsâ lymphâ observatum est.

Humor autem Genitalis à lymphâ radicali sive purgatissimâ oritur, perinde utibilis à sanguine; id quoque evincitur ex ejus eximio lentore; item, quòd ab ejus dispendio, vel modico, vehementer admodum vires labefactentur; in *Gonorrhæa* autem illum à vitiatâ lymphâ augeri propter copiam manifestum est, vitiatam au-

tem appello, ubi chylo crudo permiscetur, de quâ re infra plura. Atque hæc hætenus de præcipuis Humoribus secretis.

Secretionis autem Animalis causam primariam esse ipsam

† Non est di versa ratio quâ Urina per Renes in vesicam feruntur, & quâ sanguis in omnes animalis partes: Neque etiã quâ Flava secernitur bilis. Galen. de Nat. Fac. Lib. 1.

arteriarum pulsam; † siquidem vena Renis putã, firmiter ligata Clysteris cujusdam vehementi im-

pulsu in Arteriam, emulgentem putã, posse quemvis humorem in Ureterem propelli,

Experimento \* Bartholini

\* Specim. Admi. Anatomie.

Filii satis constat; atque

adeò quòd vehementi operã affiduè & velut Rivo emisso profluit, id singulis pulsibus paulatim naturalitèr posse secerni, verisimile est.

His adde, per universas Secretionis vias sanguinem interdum sponte ferri, uno pulsu autore, Historia Medicinalis abundè testatur; ut in sanguinis sudore cutaneo, sanguinis spato, Mammillarum, Narium, Renum, Ani, Uteri, Duodeni hæmorrhagia, quæ hepatis, ductûs pancreatici, plexuumve glandularum intestinalium esse potuit; & siqua alia humorû itinera siue exitus sunt, per hos,

hos, inquam, omnes interdum sanguis, uno pulsu autore, fertur; atque illud fere ob venas alicubi corporis impeditas.

De modo autem Secretionis Animalis adhuc quidem ambigo, & in re tam difficili haud libenter aliquid affirmo: Galenicæ quidem objectioni, scilicet, cur hoc, quod illud, Renibus putà, secernatur, vix habeo, quod respondeam: Neque enim facile dixerim, an nescio quæ Fermentatio Attractiove mihi magis arideat: Si tamen fateri fas est, in præsentiarum in hanc Antiquorum Doctrinam propendeo. Illud quidem verissimum est, vim quandam magneticam multis, præter magnetem propriè sic dictum, inesse, etiam in ipsis humidis, quod alibi demonstrare cogito. Item humores quosvis secernendos naturalitèr & in statu sano, esse affines Secretorum, id est, similitudine quâdam, si non identitate & ex totâ ferè substantiâ: Jam si ponamus vasa peculiaris Secretioni animalis dicata, inania non nasci, sed in se continuisse ab ipsâ eorum origine quosque humores, quod suprâ etiam de humoribus radicalibus posuimus, non adeo multum, ut opinor, à verisimilitudine alienum est, si dicamus humores super-



vacaneos, à victu sive nutritione oriundos, his se libentè adjungere, quibuscum quædam quasi familiaritas intercedit; siquidem bilis non adeò promptè Urinæ miscetur, nec huic aut illi, Pituita: Deinde, etsi Renes putà Urinam non utique contineant, tamen magneticâ quâdam trancedine vehementè imbuuntur, cujus vi attractivâ particulæ quædam humore sanguineo confusæ singulis arteriarum appulsibus extricentur foràsque proliciantur. Et sic de cæteris partibus, Secretionem alicui dicatis, cogitare libet. Adhæc, si suctionis facultatem *lacteolis* ad quæque in corpus assumenda demus; eandem quoque potestatem valis secretoriis ad cujusque humoris exitum concedendum puto; siquidem & hæc capillaria sunt, & paulatim ampliantur ad ipsum eorum exitum.

Ex his autem, quæ suprà posita sunt, patet, simul esse duplicem chyli Secretionem *unam* in Renibus, ubi particulæ aqueæ falsæque foràs amendantur; atque *alteram* in vasis lymphæ deferendæ dicatis, ubi scil. chylus omnem opacitatem deponit, ut falsedinem in Renibus, hanc autem chyli duplicem Secretionem *simul* confici, tam ex  
circu-

circulationis ratione manifestum est; quàm quòd siquando urina colorari contigerit, idem & lymphæ accidere solet, ut in Ictero, Pallore virginum, ex Indigo dato Arquatis, quod aliquoties expertus, & infra expositurus sum.

Pituita autem, Lac, atque Humor genitalis, quos omnes ab uno chylo plus minusve purgato oriri diximus, etiam ab omni infectu ferè alieni sunt: neque enim Lac in muliere lactescente, Morbòque regio affectâ, quod sæpè contingit; aut viro eodem morbo vehementè tentato Pituita, humorve genitalis luteus ab aliquo, certè, quantùm ipse diligentè vidi aut legi, unquam observatus est: hujus autem rei hæc ratio esse videtur, quòd is humor, scilicet chylus, omnium communis materia, semel in lacteis, atque iterùm in lymphæ ductibus defæcatus, tertiumque adeo minimum in his ultimis secretionibus, quibus Pituita, Lac, Humorque genitalis conficiantur, purgatur.

Ad Bilem autem Secernendam omnium longè maximus apparatus esse videtur (cujus solius officina Hepar, certè recentioribus, audit) quòd quàm pigerrimè fit,

cùm sanguis, à quo purgatur, omnium tenacissimus & crassissimus humor est ; adeoque privatim in hâc secretionem, sc. quòd crasso humori secernendo pigrior motus convenit, venarum ferè solus apparatus est, cùm in reliquis omnibus arteriæ quoque suas & primarias partes agant.

Quæ Pituitam verò expurgent, innumera instrumenta condidit natura, nullum autem, quo ea diutius servetur ; de quo ultimo veteres intelligi debent, ubi Pituitæ expurgandæ \* aliqua viscera destinata esse negant.

\* *Gal. Nat. Facult. lib. 2.* Ipsorum autem humorum, tam à secretionem ortorum, quàm radicalium, Naturæ & Proprietates optimè à veteribus olim explicatæ sunt ; atque ii in his (quamvis de numero & origine humorum paulo aliter quidem sentiant) omnino audiendi sunt : quos velim consulas ; nam ut ea transcribam, non est instituti nostri.

Atque hæc hæc hactenus de humoribus in bene constituto corpore : eorum autem vitia & errores, à quibus plerique oriuntur morbi, in iisdem etiam autoribus optimè expositi sunt ; quos adi. Pauca autem *Nova* ipse addam ; quæ, ut mihi videtur, non parum faciunt,



ciunt, ad morborum, ex corruptis humoribus  
ortorum, intelligentiam.

Itaque *Bilis* quidem *unus* exitus est; scilicet per porum biliarium, per quem in *Duodenum* naturaliter profluit; at *Pituita*, *milleni* sunt. Nam per varios ductus *Oris*, *Asperæ* arteriæ, *Gulæ*, *Pulmonis*, *Ventriculi* & *Intestinorum*, inter quos merito etiam nuncietur insignis ductus *Pancreaticus*; item *Intestinorum Plexus Fragiformes* (quorum descriptionem & usum, ut id hic obiter notem, ipse primus expressis verbis & de industria, ut novum aliquod in Anatomia inventum, olim \* *Actis Philosophicis Londinensibus* dict. Anni 1673. edidi, scilicet aliquam multis annis ante *Peierum*, (quem tamen honoris causâ nomino, ita, & in hac ipsâ quæstione quam in multis aliis, ad summam Reipublicæ Literariæ utilitatem præclarè se gessit) per hos, inquam, omnes una *Pituita* eliminatur.

Ut autem *urina* & *sudor*, humorque genitalis semel secreti, intra corpus remeare amplius non possunt; ita alii sunt ex supra numeratis humoribus scilicet *Pituita*, & *Bilis*, qui, etiamsi ejecti, tamen cum ulterius per intestina ferantur, eos interdum

rursus admitti, & ipsas venas *lacteas*, certè aliquà de causâ *labefactatas*, denuò subire, credibile est.

At bilem quidem naturalitèr circulari per venas mesentericas, prout à *Johanne Alphonso Borello* nuper expositum est, haud verisimile est: Inò, ut opinor, merum figmentum est, siquidem ex falsâ Hypothesi arguitur; nimirum, “ *bilem assidue in intestina deferri, eadèmq; velocitate pro molis ratione, quâ sanguis in Hepar.* At istiusmodi sanè bilis circulatio, si perpetuo cursu per intestina feratur, ex parte quidem extra animal perficeretur, quod admodum absurdum est: Deinde cùm *Glissonio* nostro hæc de bile perpetua esse existimo, scilicet, eam naturalitèr ex intervallo & confertim, ad eundem ferè modum quo humor genitalis è suis vesiculis ejaculatur, in intestina illabi; item, eam rarò ad tempus concoctionis distributionisve chyli effluere, quorum rationes vide sis apud Doctissimum autorem: Rursus ejus *Convasationem* animali admodum proficuum esse; cujus quidem rei summam utilitatem indicant copiose illæ bilis eructationes, quæ in Febribus intermittentibus fieri solent, à quibus homines non alitèr quidem, at multò magis

magis debilitantur, quàm aut à sanguine copiose misso, aut etiam ab ipsius humoris genitalis dispendio: Item, is Humor eviden-

tissimè \* Sanorum quidem stomacho, & intestinis adeo multò magis, scilicet propter summam eorum teneritudinem & acutissimum sensum invisus est, fastidiúmque parit: imò valetudinariis, veneno est; siquidem in

\* Mala, quæ in ventriculo confluens bilis induceret, essent tanta, ut Functiones, ipsius funditus deturbarent. Flava siquidem bilis, acrem, mordentem, atque omnia abradentem, obtinet facultatem, cujus succei vomitum copiosum, morsus intestinorum, Cardialgiaeque solent semper precedere. Galen. de usu Part. lib. 5.

multis vitiis, ubi bilis in causâ est, ut in Febris Intermittentibus, (in quarum numero ipsam pestilentiam, Asiæ indigenam pono) Cholera morbo, &c. Veneni alicujus sumpti communia symptomata sunt, & ferè communia remedia. \* Itaque ejus usus ad chylum faciendum prorsus damnandus est; de quâ re pauca infra adjiciam.

\* Vide Dioscorid. de venenis.

De ipso autem intervallo, & quantitate bilis quotidie excretæ hætenus, quantum scio, silent Autores præter unum Alph. Borellum, qui nescio quot bilis libras in sanguine causatur, tamen non libentè concedo,



bilem alibi uspiam quàm in vasis biliaris temerè reperiri, nec ibidem eam naturaliter unquam excedere *vesicula* ejus capacitatem, scilicet circiter paucas uncias; ejusque excretionem forte non fieri, certè sanis, nisi admodum rarò & exiguâ quantitate, putà ad aliquot drachmas, idque rarissimè quotidie, & non nisi forte post bidui aut plurium dierum moram; siquidem etiam post diuturnam inediam; illa vasa nūquam vacua reperta sunt. Post inediam (inquit idem *Borellus*, nam pro nobis omnino facit) aliquot mensium in serpentibus, vasa biliaria æquè turgida inveniuntur, ac prius fuerunt. Item, ob rationes supra positas de ejus origine ex sanguine propriè sic dicto.

De morâ autem bidui aut plurium dierum, illud intelligi potest, ab accessionibus Februm Intermittentium, quæ ferè altero tertiove die redire solent, at rarò in principio quotidie homines afficere solent. Atque hæc bilis eructationes, etsi jam copiosiores, (perinde ut saliva in Catarrho augeri solet, humorve genitalis in Gonorrhœâ, scilicet crudorum assiduâ misturâ) tamen quòd certâ aliquâ horâ in sanis, etiam in ægrotis idem

erum-

erumpendi spatium observent, credibile est; ut in mulierum menstruis profluviiis. At horâ consuetâ hic ut illic à malis medicamentis aut aliter facilè pervertitur, atque adeo Febrium Intermittentium Typi, ut vulgò notum est, vel levi de causâ, mutantur.

Contra Cl. autem *Cole* Nostrium, quamvis pleraque *supra* posita maximè faciunt, tamen privatim illa; nimirum à vehemènti Emetico dato in multis, iisque maximè sanis & optimè adeo concoquentibus; omnino nihil bilis sursum ejicitur; & in aliis, ubi id interdum contingit, ferè non nisi ultimis vomendi Paroxysmis; adeo difficultè bilis è suis vasis in intestina prolicitur, nedum ab omni ventriculi repletionè eam naturaliter exprimi, credibile est.

Si quando autem vel *Bilis* vel *Pituita* effervescentes in intestina nimium & confertim suffundantur & venas lacteas subeunt, ut in variis morbis ob earum imbecillitatem omnino contingere solet, actum est de valetudine nostrâ. Atq; hi duo humores, ut alieni Hospites, morborum plerorumq; causæ primariæ; evidentes, & maximè universales sunt.

Est autem & alius Humor in venas quoque assiduè receptus, qui etiamsi horum nullius particeps est, tamen non rarò inutilis & supervacaneus est. Atque is ipse chylus est, sive is sit crudus stomachi & ipsius alimenti ex suâ naturâ minimè putrescentis vitio, sive à gulositate nimius, rursus per communes sentinas foràs ejiciendus est; at id ferè haud sine Syndrome variorum malorum. Etenim hinc illæ obstructions, &c.

Nimirum, ex his paucis, ut opinor, facilè intelligi possunt Universa ferè morborum symptomata & variæ affectiones Urinæ, Sputi, Sudoris, &c. scilicet, cur illa interdum biliosa sit, interdum turbetur & fæculenta sit; cur hoc naturalitèr tenue & dulce sit, interdum verò subsalsum acréve, & instar puris crassescat; cur iste interdum amarescat, & infinita alia; scilicet prout vel bile vel pituitâ, vel chylo crudo & ex parte tantum putrido supervacaneove, aut ipso demum sanguine misceantur simulque exeant. Adeoque hinc item & veræ indicationes curativæ adipiscendæ, & medicamentorum virtutes cognitæ suis quæque malis profligandis certiùs aptari possint.

Bilem autem ex totâ substantiâ in venas lacte-



laſteas ingredi, indicium eſt Icterus; ex aliquâ ejus parte & Intermittentes & Continuæ quæque Febres Scorbutus, &c. Item ipſius Pituitæ, & Chyli crudi ſimilem ingreſſum in laſteas arguunt, Catarrhus, Gravedo, Phthiſis, Chloroſis, Hydrops, Pleuritis, Angina, Arthritis, &c. Unde non malè *Galenus*, \* *Ex morbis, qui frigidi ſunt, ex pituitâ oriuntur; qui calidi, ex bile ortum habent.* Atq; hæc hæcenus tantum obiter, cum noſtri propoſiti non ſit, ſingulos illos morbos pluribus exponere, aut Pathologiam ex integro inſtituere.

\* *Mat. Facult. Lib. 2.*

Veruntamen, ne quis ampliùs dubitet in *laſtearum* infirmitate, cruda alioſque humores, ſuprapoſitos puta, eas ab extrâ ſubire, exempla aliquot rariora ex Adverſariis noſtris ſumpta huc libentè transferam.

[ 1. ]

Quinquagenaria quædam circiter tres annos *Morbo regio* vehementè affecta eſt: Ei color per univerſum corpus mirè luteus. Urina pauca & coloris crocei, ſpiritus anhelans, abdomen & præcordia diſtenta, excrementa.

menta alvi albida, apthæ in ore, corpus admodum extenuatum.

Huic autem præscripsimus pillulas ex *Indigo Barbadosi* ad drachmam quotidie sumendas: Id autem illicò effecerunt, ut urinam copiosius redderet; proximè verò à sumptis pilulis, urinæ color à croceo claro sive perspicuo, in *atrum* subvirescentem, quale est apud lanæ tinctorum lixivium eorum, Cæruleum dictum: Item, huic faciei color assiduo usu istius medicamenti ex luteo ad subviridem accessit: Adhæc, dejectiones virescebant. Post aliquot verò dies illam purgavi pilul. Rudii dictis: Inde urina ejus rursus fit limpida & crocea; & aliquanto meliùs se habuit. Procedente verò tempore rursus pillulas ex Indigo sumpsit, à quibus eadem urina ex viridi nigricans; at paulo minùs colorata, quàm antea.

Deinde semen cannabinum ex lacte contritum bis quotidie sumpsit: at hæc minùs profuere; deque capitis levi quadam vertigine questæ est.

Mox saponis Hispanici drachmam ex lacte semel in die dedi; mirum dictu, quantocyùs & quàm benè ab eo medicamento dato convaluit. Urina sanorum & colorem &

& consistentiam consequuta est, inde multò facilior spiritus, appetentia excitata, &c.

N. B. Urina planè ab Indigo infecta est, scilicet, lacteas officio suo fungendo infirmitas, ipsamque adeo bilem admisisse, donec ejus ingens cumulus in venis corporisque habitu accreverat. At Hepar fortè minùs viciatum est, sed quod subinde à vesiculâ fellis ejicitur, foràsque amoveri debeat, rursus recipitur, lacteasque denuò subire, credibile est. Neque hæc nostra opinio multùm aliena est à mente Erasistrati, quantum de eâ ex Galeni verbis † conjicere licet,

quam tamen, tanquam absurdam, † *Dé Facult. Nat. lib. 2.* deridet Galenus. Nempe fieri posse,

*ut bilis cibis statim mista, forinsecus nobis adveniat, non gignatur in corpore.* Et quidem bilis ab ipsâ ejus nativitate, ut ejus cystis, meatusque, item ipsa intestina corpori forinsecus dici possunt, & sunt.

[ 2. ]

Mulier quædam robusta, carnosa, à longò tempore, sesquianno minimùm, morbo regio affecta est; modò autem meliùs, modò pejùs se habuit; interdum ei cutis color intensè flave-



flavescebat, interdum ferè qualis sanorum, idem de urinâ cogita. Illud autem inprimis notatu dignum, istam mulierem haud multum extenuatam fuisse à tam diutino malo, propterea quòd id vitium per longa intervalla accedere consuevit. Nam Icterus accessit certis quibusdam temporibus, Febrium Intermittentium more; inò iidem paroxysmi verè febriles fuerunt, atq; singulis tantum septimanis redierunt, etiam diei horâ exactè servatâ; ut si quintâ matutinâ die Dominico v. c. febriret, eâdem horâ ejusdem diei proximè sequentis septimanæ se certò similiter affici expectavit.

An autem malum ab ipso initio has leges servâisset, nescio; at à multo certè tempore ita illam se habere, longâ observatione ipsa didicit, ejusque necessariis rem ita ei fuisse summâ fide attestantibus.

Cujusque autem Paroxysmi conditio ferè hæc est; dolor vehemens circa ventriculum, vomitus, animi penè deliquium; à frigore incipit, mox admodum calet, sudore tandem finitur; circiter 12. horas durat. Ineunte autem Paroxysmo, tanta oritur præcordiorum distentio, ut si ea interdiu contingat & dum vestitur, fascia pectoralis rumpi soleat.

Item

Item sub eo tempore tantam frigiditatem pectoris sentire solet, ac si illud nudum aëri hyberno exponeretur; deinde in faucibus nescio quæ offa sursum à ventriculo ascendens strangulatoria; mox dolores vehementes sentit non in ventriculo tantum, sed & in scapulis, digitorumque & manuum & pedum articulis; certè genua interdum post paroxysmum adeo vehementer dolent, ut hæc manibus continere, lenique fricatione subinde fovere, necesse habeat; item in Abdomine & Lumbis interdum gravissimus dolor.

Ipsa autem tempore paroxysmi, & aliquot, circiter duobus, diebus deinceps urina, siqua reddita est faculenta atque adeo intense flavescebat, ac si multo croco tingeretur, & universa cutis per id tempus flavescebat.

Paroxysmo autem finito, per aliquot dies vehementer languere consuevit, ac si visceribus careret (sc. ob solam inanitam cystin felleam) adeo sibi vacua videbatur circa præcordia & abdomen; & tunc temporis præcipue flavet oculorum pars alba & universa cutis.

Paucis verò diebus exactis rursus cutis ad natu-

naturalem fere colorem redit, & Urina parum aut nihil ex croco coloratur.

Sexcenta remedia frustra sumpsit, ex meo autem consilio saponem Hispanicum ad ℥vi. ex lacte quotidie potavit: A quo medicamento proximæ accessionis mala multum levata sunt: Nam in eâ nec vomuit, ut semper antea consuevit, nec offam illam strangulatoriam in gutture sensit.

Item huic Indig. Barbad. ex syr. violarum dedi, à quo urina (N.B.) ex viridi subfusca reddita est; idque in ipso accessionum intervallo ei contigit ob Lacteas infirmitas.

Item deinceps sumpsit — à quibus convaleuit, & à multis annis jam optimâ valetudine fruitur.

In hoc autem casu, hæc notes velim 1. Paroxysmum fieri ab ipsâ bilis ferventis profusione in intestina & ventriculum, ejusque ab ingressu in venas lacteas: ubi autem semel admissa est, effervesce desinit, cæteraque adeo mala vehementiora paulatim finiuntur, sc. vomitus, offa (sc. motus ipsius stomachi sursum compressivus) &c. jam verò delatâ in corporis habitum bile, is flavet; & deinde, cum per urinæ itinera ea paula-



pa- paulatim ejiciatur, corporis habitus ad natu-  
ralem colorem redit.

2. Venena plus officiunt valetudini no-  
stræ, dum in ipsis intestinis continentur,  
quàm ubi venas lacteas ingressa sunt, cujus  
rei ea ratio esse videtur, quòd extra corpo-  
ris habitum multò magis tumultuantur, ob  
aërem ex parte admissum; at intra venas  
sanguineas tumultus ex bonâ parte suppri-  
mitur, non aliter quàm cerevisiæ aut vino  
contingere solet in occluso doliolo servatæ;  
ipsæque adeo sanguis (siquidem in hoc sensu  
intelligatur) à Galeno rectè ap-  
pellatur mitissimus succus, aliàs *De Const. Art.*  
*Medic.*  
intemperatus.

3. Viscerum vacuitas oriri videtur ab in-  
anitione vesiculæ felleæ, perinde ut ab hu-  
more genitali; si tamen id sæpius & multum  
fiat, eadem imbecillitas sequitur, ut ab ali-  
quibus accessionibus alicujus Febris Inter-  
mittentis. Idem à naturali mulierum infir-  
mitate, quamvis ne centesima quidem san-  
guinis pars cadat, idque semel tantum  
in mense. Imò haud dissimile interdum  
observatur in abscessibus aliquot internis  
aperiendis.

[ 3. ]

Puer quidam decennis *Ictero* vehementer affectus est, is verè nescio quibus malis medicamentis ad *Icterum*, quoad colorem quidem flavum, curatus est. At mox febricitavit, deliravit, ingenti siti & assiduo vomitu vexatus est, ei ex siccitate nimia arida lingua est; admodum hebes factus est, & dies noctesque dormiturus de lecto surgere noluit, de stomachi dolore multum & assidue questus est, ad duos ferè menses ad hunc modum se habuit, N. B. in oculis aut urinâ haud ulla *Icteri* signa, aliquoties tamen puer vomuit bilem æruginosam. Tandem ex nullâ ciborum appetentiâ subito omnia oblata devoravit, & plurimum deliravit, & cum vix ulla spes de ejus salute appareret, en summa flavedo rursus totum puerum subito occupavit, & funesta symptomata universa levata sunt, & è vestigiò convaluit. N. B. Bilem æruginosam in stomacho & intestinis veneni alicujus rationem induere, at, ubi ea semel intra venas admissa est, tolerabilem esse, & facile domari expellique.

[ 4. ]

[ 4. ]

Illustris puer F. circiter 9 annos agens facie plenâ & benè coloratâ diu doloribus circa vesicam & penem affectus est. Hujus urina, quæ mihi ab ejus matre forte tum temporis ægotante ostensa est; sic se habuit; nimirum instar feri lactis turbida ab ipsâ sc. excretionem faculenta; item in fundo, grumi albi; item huic odor ipsissimus, qui casei recentis est. (.NB.) Is puer quotidie mane ex præscripto Medicorum Londinensium lac asininum bibere consuevit.

Non ita diu post à chirurgo quodam Lond. Calculus ex ejus vesicâ sectione exemptus est.

N. B. ex hoc casu constat, in lactearum venarum infirmitate, cruda admitti, siquidem odor fracidus casei ab ejus urina nares vehementer feriebat; quod tamen in sanis etiam infantibus lactantibus minimè contingere solet, sed eorum urinæ & suus odor & consistentia qualis sanorum. Nimius essem, si singula recitarem, quæ plerisque morbis notata, atque huc spectantia in Adversariis nostris occurrunt.

Quid



Quidni autem in Catarrho sentiam ob lacteas infirmatas, ipsam pituitam chylumque crudum, & ex parte tantum putrescentem, eas subire? Siquidem huic sententiæ fidem

† Ex cibis, neustquam ex nostro corpore, ipsa pituita oritur; corpus enim, ubi ingestos cibos non vincit, simile ut ipsum quoque excrementum gignit. Galen. de Temperam. lib. 2. ad finem Pituita quod dulce est, ia & salutare & naturale est Animanti, quod acidum, crudum est, quod salsum compurrit. Gal. de Nat. Facult. Lib. 2.

faciunt sputum, si-  
ve oris pituita,† sub-  
salsum acidiusculum-  
que, ejusque copia;  
Item, subturbida u-  
rina simul ac friget.  
At præter lacteas,  
inquires, & salivæ  
ductus vitiantur; ita  
est; & cum ex fri-

gore ferè catarrhi oriantur, hi vitio maxime opportuni sunt, ut qui ejus injuriis propiores sunt, ita quod primum corporis ambitum afficit, etiam intestina, scilicet cum ea quoque ex ambitu corporis sint, in consensum facile trahunt. At de his, cum ferè præter propositum sint, satis superque diximus.

## CAP. II.

*Medicamentorum Fontium Angliæ effectus in corpora humana investigantur.*

Expositâ sanitatis ratione, quatenus in concoctione ventriculi & humoribus bene constitutis consistit; item eorum vitia & cruditates vidimus, scilicet ex quibus alii atque alii morbi oriuntur; reliquum nunc est, ut salium glebarumque suprâ positarum effectus in corpora humana inquiramus.

Cum autem aquarum Medicamentorum Fontium virtutes ab ipsâ experientiâ optimè intelligantur; cumque illas aquas in plura genera superiore exercitatione diduxerimus, earum Schema hic exhibendum est, ut singularum symptomata enumerem.

Aquæ Angliæ Medicatæ sunt, vel

{	Frigidæ,	}	lapide- scentes.
	{ Salfæ, sulphur olentes, id est,		
	{ Mariaticæ.		
	{ Nitrosæ.		
	{ Atramentosæ		
{	Nitr-atramentosæ	}	
	Calidæ,		
{	Sallo-nitr-atramentosæ.		

Atque

Atque adeò ea, quæ sanis etiam hominibus, ab aquis haustis, ferè accidere solent, hæc sunt; nimirum, Ab aquis frigidis, falsis, sulphurque olentibus potatis, vehemens fitis oritur, vomitus, stomachi æstuatio, Diarrhæa etiam ad plures menses non rarò durans; fæda pustularum eruptio per universum corpus.

Ab aquis autem frigidis, tantum Nitrosis; ubi scilicet *Nitrum calcarium* ferè maximam partem immaturum, & in succo volatili suo genere & modo inest; id quod ab evidenti aliquâ circa ipsos fontes Petrificatione facile dignoscitur; aut si ipsæ in ignem impositæ distillantur, cum plurimum pulverem calcarium supra salis modum & proportionem dent; Ab huiusmodi, inquam, aquis alvus ferè comprimitur.

Ab aquis verò frigidis Nitrosis, aut nitro-atramentosis; ubi scilicet plurimum nistri calcarii maturi, minus autem istius lapidis inest; item ubi *Ocræ*, sive Vitrioli sub aquis abortivi plus minusve adest, earundem, inquam, aquarum potatoribus hi ferè effectus accidunt; nimirum, quædam quasi vertigo, velut in levi aliqua ebrietate, alvi dejectio ferè sine torminibus, quam  
cita-



citatissima, & ferè ex toto aquea; sitis exigua, aut nulla; ciborum appetentia, certè pro tempore, plurimùm aucta; in urinâ multum sabulum rufum; imò interdum calculi albidî, etiam nonnullis, quibus jî minimè unquam in vitâ ante excreti sunt; item in urinâ salinæ quædam particulæ ad solem micantes, imò vel nudis oculis conspicuæ, etiam diu post aquas sumptas, ad aliquot putà menses notabiles; ipsius ani & latè circa oras ejusdem, quasi ab aliquâ intertrigine, dolor molestissimus, scilicet ab ipsâ salium mordacitate & acrimoniâ natus; interdum Vomitus; & si diutiùs & plurimùm ab aliquibus bibantur, quæ istarum aquarum crapula dicenda est, Febris non rarò oritur.

Illud autem notes, velim; aquas medicatas vehementiores mitiorésve hujusmodi effectus in corpora humana exerere sole-  
re, prout horum ingredientium plus minúsve habent.

Atque hæc hætenus de Fontibus medicatis frigidis. Ubi autem naturalitèr incallescunt aquæ, iisdémque salibus, quæ suprà posita sunt, donantur, eosdém effectus, certè potatas, habere credibile est; quos tamen aliis meditandos relinquo.

Athæ aquæ Calidæ, etiam ad balneationem, saluberrimo usui sunt: Ita quidem est; sanguinem reliquosque humores calefaciunt, sudores evocant, etiam alvum sic non raro urinam, certè tepidæ balneationes ut sunt *Buxtonenses*, sæpius movent. Item, si nimium & diu usurpentur, ex istis effectibus hæc symptomata necessario sequuntur, scilicet macies, sitis & viscerum, maximeque ventriculi debilitas, &c.

Illud quidem multi, imò omnes, tam validi, quam imbecilli mecum, de Thermis tepidis *Buxtonensibus* loquor, experti sunt; scilicet in ipso balneo immersi mingendi cupiditate sæpius teneri; imò involuntariè sæpius mingere, putà, quater minimum aut pluries, intra dimidium horæ. At de Thermis *Bathoniensibus*, utpote calidis aquis, superiore anno ipse haud eundem effectum expertus sum.

Atque ita varios & præcipuos effectus aquarum medicatarum, tam frigidarum quam calidarum nostrarum in corpora humana percensuimus; quatenus scilicet vel propriâ experientiâ, (nam plurimi etiam sani apud nos animi causâ bibunt lavantque) vel evidenti aliquâ ratione nobis illos investigare adhuc licuit.

## CAP. III.

*Salium Glebarumque in Fontibus Angliæ medicatis reperorum, Qualitates exponuntur.*

**H**Actenus singulorum fontium medicatorum effectus in corpora humana, paucis enumeravimus; sequitur, ut eorum naturam & usus, id est, medicamentosas qualitates, quæ maximè desiderantur, explicemus, ut variis morbis sublevandis, si fieri potest, aptè adhibeatur. Ut autem hanc quoque rem pro nostro modulo conficiamus, præter aquam istorum Fontium, quæ ubique una est, sive ea calida sive frigida sit; etiam salium glebarumque suprà positarum natura, & proprietates nobis expediendæ sunt.

Aquæ autem dulcis in utroq; statu & salis vulgaris sive è fontibus mediterraneis coctilis, virtutes apud antiquos †Scrip-  
tores benè & diligentèr enarrantur; quos consulas, velim, nam instituti nostri brevitatis transcripta non ad-  
mittit.

† V. Dioscori  
&c.

Nitri autem Calcarii nascentis maturive, item Orræ, id est, Vitrioli abortivi natura, cum res utique in medicinâ novæ sint ac-



curatè, quantum per me licet, examinanda  
restant.

Imprimis autem illud perpetuum esse du-  
co, utraque metalla, jam nunc nominata,  
Petrificationis ubique loci, etiam in nostris  
corporibus, solos auctores esse. Etenim,  
cum ex toto metalla sint, adeoque putrescen-

\* Quibus corporibus sub-  
stantia solida & compacta  
est, ut lapidibus, ea ut pu-  
trescant, est impossibile.  
Gal. de Simpl. Med. Fac.  
lib. 11.

Quæ pertinacius vitam  
sui mechanice conservant, non  
facile ab Arqueo superan-  
tur; nec solum digerendo  
contumacia, sed pervicacia  
sunt, & in nos agunt, qua-  
tenus non subacta. Hel-  
mont. Potest. Medicam.  
p. 53.

Salta nobis domestica  
fensi condiendis cibis esse  
aptiora, quam ut in ali-  
mentum promutentur,  
ibidem.

mis autem rationem, de quâ breviter in supe-  
riore exercitatione egimus, vis quædam  
magnetica; ut opinor, optimè explicat.  
Etenim, quod vitriolum veneris ferro, si ad-  
fricetur, idem quorundam dentibus cibis

do, id est, concoctione  
ventriculi \* indomabi-  
lia sint; cumque ex sua  
naturâ, maxime nascen-  
tium statu, ut supra de-  
monstratum est, lapides-  
cant; cumque alia om-  
nino nulla metalla, præ-  
ter hæc duo, quantum  
scio, usquam lapidescant,  
etiam in nostris corpori-  
bus, si quando admittan-  
tur, eosdem effectus  
exerere, admodum veri-  
simile est. Petrificatio-

potio ve

potiõve est: Illud autem vitrioli in ferrum Phænomenon esse ineram petrificationem alibi fusiùs ostendere meditor; interim de calculis alibi uspiam intra nos ortis, sic cogites velim, succos suprà positos metallicos esse causam eorum efficientem, & ex aliquâ, eâque bonâ parte, materiale; cùm tamen libens concedam, ipsâ metallicorum succorum in lapideni constrictione, alias quoque plurimas & maximè lentas quasque particulas (qualia sunt, in sanguine aliisque humoribus secretis cruda omnia) simul implicari: Quam rem *aquisfolia* lignum maximè illustrat, sc. id genus ligni supra omnia ferè alia, in fontibus medicatis dimissum, citiùs (ut notum est) lapidescere solet; nimirum propter *viscum* ei naturalitèr insitum.

At pauci sunt, qui aquas medicatas bibunt; plurimi verò, qui calculo laborant. Respondeo, Universas aquas hoc sensu plus minùsve medicatas esse; at Fontes suprà dictos per excellentiam.

Damnantur inprimis, inquit Plinius, † Fontes quorum aquæ deco-  
ctæ crassis obducunt vasa crustis;  
jam scire velim, an hujus urbis, aut alibi Angliæ, aqua Putealis illo vitio omnino careat;

† Lib. 31.  
c. 3.

minimè quidem, idque non temerè affirmo ; etiam *Pluviatilem* infectu haud prorsus immunem esse existimo ; atque adeò universum genus humanum hâc ipsâ ratione calculo laboret , necesse est. Huic autem rei hæc quòque fidem faciunt ; quòd é centum utriusque sexûs sanorum urinis vix & ne vix quidem unam, omni sabulo utique carentem, haud temerè reperiens ; nisi ea sit alicujus Strumis Podagrâve affecti , aut similium valetudinariorû , cujus rei alibi rationē reddere meditor : Id quod à multis annis post magnam diligentiam adhibitam exepertus loquor.

Illud quidem verum est, Plantarum Carniumque cujusvis generis naturalitèr unum esse salem , ut supra posui, à putredine concoquente ortum , id est à *sale* quodam id genus, universis rebus naturali, & quibusdam *essentiali* dicto ; eundemque salem , iisdem rebus ustulatis, in aliud commune genus *Alkali* dictum constringi ; quod tamen ipsum à *Chymistis* ( si qua jis fides danda est ) totum volatile sive urinosum iterum reddi potest. At fossilia sive metallica salia alia atque alia sunt, & nobis, & penè igni dixeram, indomabilia : De Nitri redintegratione vide *Nob. Baileum* ; item ferrum & cuprum, post  
magnum



magnum ignis tormentum, vitriolum quoque suum edit; etiam ipsum ejus *Colcothar* dictum adhuc denuò vitriolum generat. Atque adeo iidem viri etiam salem vulgarem & in urinâ \* no-  
strâ, & in ipso sanguine † haberi affirmant. Igitur ea, ne suas proprietates exerant, nostris corporibus penitus admissa, quid prohibeat, planè non video.

\* *Helm. de Lithias.*

c. 3. p. 21.

† *Nob. Boylei Hist.*

*Nat. Sang. Human.*

Tophos autem calculosque in nobis aliisque animalibus natos, ex magnâ parte metallicos esse existimo, quòd non aliâ materiâ ligna, animalia, item ipsa reliqua metalla extra nos uspiam lapidescant, satis constat; nimirum variorum generum *Conchæ*, item herbæ plurimæ marinæ, naturalitèr ex sui certè aliquâ parte verè lapidescunt; quod non fieret, nisi aquis omnibus inesset calculi communis quædam materia.

“ At *Helmontius* alitèr sentit; à fundi fracedine, inquit ille, † oborto semine petrifico, conchyliâ cruci-  
“ stâ loricantur; quorum semen, non tam sexuali conjugio, quàm per ipsam fundi fracedinem propagatur, & conchis ideo foris adnascitur posteritas — ipsaque

† *De Lithias.*

c. 1. p. 15.

“strata saxea sub terram oriuntur ab odore  
“fragido saxeo.

Non equidem hęc quæro, quomodo nata  
sint strata Terræ saxea; sed suppositâ eorum  
ab ipsâ mundi origine creatione, quæstio est,  
unde plantæ, animalia, imò ipsa saxa jam  
nunc lapidescant? & affirmo, nos à germi-  
nantium quorundam saxorum similitudine  
ferè decipi, ac si aliorum omnium generum  
saxorum ab unâ eâdemque causâ æquè hõ-  
die, ut olim, gignerentur; cùm tamen, certè  
quantùm ipse observavi, quæ jam lapidescunt  
omnia, vel Pyrites vel saxum aliquod calca-  
rium tantùm sunt; neq; enim aliud tertium  
genus facilè aliquis uspiam reperiet; adeo  
reliqua saxa sive metalla desisse generari vi-  
dentur. Atque hi duo succi ex salium assiduâ  
germinatione, ut superiore exercitatione ex-  
positum est, orti, suo modo volatiles sunt, me-  
diisq; rebus tam vivis, quàm mortuis recepti,  
ex suâ naturâ coëunt constringunturq; etiam  
plerorumq; animalium formâ, eorumq; pro-  
prietatibus, certè ex aliquâ sui parte servatis;  
quas, brevitatis memòr, recensere omitto.

Huc facit, conchylas mediis tam rupibus  
quàm nobismetipsis gigni; id quod

† V. Tulpii.  
Blas. Obs.

medicinalis Historia † testatur;  
imò

imò ipse conchylas vidi elegantèr figuratas, in quodam calculi, ex utero vaccæ cujusdam execti, fragmento; qui calculus integer xx libras pependisse dicebatur; scilicet, ob unam ubique metallicam materiam calculosam.

At aliæ prorsus Conchylæ in nostris corporibus natæ, atq; aliæ rupium, aliæque ipsa animalia Testacea; de quâ re alibi \* fusiùs tractavi. Ita quidem est, quòd in illis ipsa materia calculosa quasi sponte in Conchylas coit; at in Conchylis animalculis illius materiæ calculosæ secernendæ disponendæq; etiam partes aliquas privatim dicatas esse, credibile est; atq; adeo iidem succi calculosi, qui illis ad testas suas formandas usui, nobis ferè, nisi aliquid ad ossium materiam faciant, magno malo sunt: Adhæc, avium genus universum, uti notum est, calculos mirè appetunt & quotidie eos libentèr devorant; at id non tam, ut opinor, concoctionis gratiâ, quàm ut earum gypso sive calci cuidam materia detur; scilicet ei lotii earum parti crassæ & albicanti, & è quâ ovorum putamina, cum opus est, conficiantur. Aves autem cum parùm bibant, ipsos calculos ad illam materiam sufficientèr supplendam sumant, necesse est. Neq; illud

\* *Historia Animal. Anglia.*



multum contra nos facit, quod à quibusdam objicitur, ex avibus etiam masculos idem lotium lapidescens reddere, cum id in aliis plerisque naturæ operibus solenne sit. Ex gr. viris mammas natura dedit, cum tamen minimè lactescere nati sint: item hominī, aliisque multis animalibus intestina quidem *cæca* sunt; at ferè iis usui non sunt, cum aliis interim animalibus, maximo; quod argumentum † alibi fusius tractavi: atq; id genus infinita alia numerare possum; adeò ferè inutilibus & humoribus & partibus aliqua animalia abundare voluit providens natura; quàm ut eæ partes & humores, ulli, cum opus exegerit, deessent.

His adde, calculos nostros ferè albescere vel rufescere; id est, ac si ipsis coloribus originem suam quodammodo mentirentur, scilicet vel ex ocrâ vel ex *lapide* calcario se ortos esse indicarent. Item illud argumentum est, urinam pyritis participem esse, quòd, ubicunque homines assiduè mingunt, istiusmodi loca (haud aliter quàm ubi fontes medicati scaturiunt) quasi Ocrâ admodum inficiuntur: huic adjice, ipsâ urinâ argentum tingi quodam aureo splendore, haud secus quàm si vere Pyrites esset.

Postre-

Postremò, Magnetem adhibe, maximè fidelem judicem; is autem lapidi humano, debitè cremato, admotus, in aliis calculis plurimum, in omnibus paululum ferri extricabit atque in conspectum dabit, ut non amplius dubitare liceat, quin eatenus calculus humanus verum metallum sit.

Ossa autem alba Helmontii (ut ejus viri opinionem de calculo hic obiter excutiam) non aliud esse videtur, quàm saponis quoddam genus extemporarium, scilicet, ex uno spiritu saponario, & altero utique oleoso confectum; & minimè quidem petrificationem explicat, quæ sine ullo aut spiritu urinoso aut aquâ ardenti in algidis fontibus perfici solet ex solo saxo calcario aut vitriolo abortivo.

Universa etiam animalia, perinde ut humanum genus, calculo aliquando laborant; scilicet, quòd communi ferè victu potioneq; uno atque altero metallico succo necessario contaminatis, nobiscum utantur. Imò interdum nos quoq; calculo affici ex ipsis animalium carnibus comestis propter eandem rationem, verisimile est; scilicet, quòd succus calcarius ægrè tandem dejiciatur, id est, lapidescat, nisi ubi viscera quoque vitientur.

Adhæc, calculum in renibus & vesicâ esse malum per accidens ; quòd is extra corporis habitum ibi concrescit ; atque ad eundem similiter ut in fontibus gigni , credibile est ; nisi quòd in corpore calor aliquantulum adjuvet, etiam invito Helmontio ; etenim lapis calcarius ex suâ naturâ , ut supra positum est, diu in succo manet ; at, gelu intenso, aut in radiis solaribus aquâ siccata , si quando eum succum dejici contigerit, instar farinæ alicujus cadit in molli pulvere ; cùm aliàs idem succus inter coquendum in solidas laminas lapidescat.

Rursus, quòd ipsæ arenæ, item nonnulli vesicæ calculi molles sunt : sunt enim in vesica alii atque alii calculi ; in quibus alii ex molli luto videntur confecti. Atque idem de Tophis in articulis & alibi corporis natis manifestum est ; nimirum, eos è molli quodam luto, & non nisi longâ morâ, plurimum putà mensium annorumve, indurescere, atque ægrè tandem in lapidem ; sc. ob multam materiam è victu crudam lapideis particulis implicatam.

Ufus autem Diureticorum, ut seminis Dauci, etiam Ludi Paracelsi dict. ( si quod istiusmodi medicamentum unquam cognitum est )  
horum



horum aliorumque quorumlibet, inquam, Diureticorum ratio esse videtur, ne Renes labefactati officii sui obliviscantur, atq; iis adeo stimuli sint. Nam calculi materia metallica, quò diutiùs in sanguine tepescit circulatur, eò magis ad cohesionē tendit, ut ex supra posito experimento patet. De Veneris autem liquamine volatili, nonnulla, quæ expertus didici, aliàs forte difertiùs dicturus sum. Illud interim super omnia remedia Prophylactica, vel quæ sesquipedalibus titulis insigniri solent, plaudo; scilicet, in minimâ portione victuæ calculorum minima materia. Idque discant velim non Nephritici tantum, sed & maximè Arthritici. Hæc autem hætenus de Helmontii opinione obiter tantum.

## C A P. IV.

*De variis usibus aquarum medicatarum Angliæ opiniones aliorum.*

**F**ontium medicatorum Angliæ effectus in corpora humana; item contentorum naturam & proprietates suprâ indicavimus: Adeoque usus eorum medicinales paucis explicandi restant; scilicet, quibus morbis aptè releantur: Illud tamen ex aliorum placitis, quàm à me disci malim, quòd aquas nostras

celeberrimas non admodum frequentavi. Quod verò ab aliis de hac re editum est, paucis exponere à nostro instituto non alienum erit.

Esto igitur, &, perinde ut olim creditum est, tam frigida, quam calida auxilia plurimis morborum generibus conferant. Inprimis autem frigida medicata bene faciant ad Melancholiam Hypochondriacam dictam; ad Cachexiam ex aliquo morbo chronico, scorbuto, &c. ad calculum Renum & Veficae; ad Arthritidem; ad Vermes; ad sterilitatem faeminarum, &c. Cum autem, nescio quo fato, singuli fontes apud nos, ut frequententur, ferè ad singulos morbos remedia vulgò audiunt, & tantum non à suis Scriptoribus, si quos habeant, identidem *Panpharmata* dicantur; idem mihi esset de universa Medicina scribere, ac unius alicujus fontis examen ad Scriptoris ejusdem libitum persequi. In his verò jam positis ferè omnes consentiunt, tam docti, quam indocti, in his ideo paucis pedem figamus.

Itaque Melancholiae Hypochondriacae dict. si cui morbo optimè medentur: Ille autem morbus ab humore quodam antiquis *Atrabile* dicto ortus esse existimatur; atque ejus humoris sedes (si Antiquis in hac re fides danda

danda est) ventriculus est ; item splen ejusdem officina : Is autem humor (ajunt) remediis contemperandus purgandusque est ; atq; hæ ferè Intentiones Curativæ sunt. Non opus est ut hic repetam, post tot viros, quàm alienum sit splenem istiusmodi humori alicui secernendo dicare. Ipsum autem morbum ejusque symptomata gravissima agnoscat ; at atram ullam bilem à splene naturalitèr secretam, atq; inprimis ventriculo infestam, prout à Galeno \* descripta est, omninò nego.

\* De Attrabile lib.

Attamen ipsum quidem ventriculum & intestina in illo morbo vehementèr affici ; scilicet, interdum pituità acescente, interdum bile plus justo amarescente, aut ex utriusque quâdam misturâ assidue molestari, non inficio : Hi verò illius morbi effectus quidam sunt, haud causæ primariæ ; quæ ferè crapula est, & alimentum supervacaneum. Nam universus victus noster & vita, etiam optimorum virorum, minimè ex naturæ legibus sobria & parca est ; neque quoad ciborum quidem genera rectè instituta, ut quæ non nisi ex fructibus naturalitèr sumi debuerint : Ab ipsis, inquam, incunabulis gulositatem docemur, atque reliquâ ferè vitâ nostrâ palato & voluptatibus indulgemus



genua ; atque hæc valetudinis nostræ præcipua calamitas est : Hinc illa Melancholicis

† Omnes optimi cibi, qui a imali plurimum nutrimenti adferant, si supra modum sumantur, frigidos morbos generant. Galen. de crasis morb. lib.

ventriculi & debilitas, ciborum fastidium ; imò aliquibus, illorum horror ; inedia tolerantia mirabilis ; respiratio tarda & rara, ut & similiter pulsus ipsius motus ;

Pavores inanes, phantasmata : Hæc, inquam, omnia, & plurima alia huius morbi symptomata, ab aliis memorata, ex chyli plenitudine nimia oriuntur. Ipse enim ventriculus, tanquam fidelis monitor, nobis insciis invigilat, & cum sat est chyli in venis, de eo amplius concoquere desinit. Id autem ita esse, hæc probant ; quod urinæ in plerisque, maxime incipientibus, serè turbida, & ex frigore crassescens, utpote multo chylo vel crudo vel supervacaneo saturata : Quod Hypochondria admodum tenduntur ; sc. ex nimia venarum majorum plenitudine, & infarctu ; deinde hos homines diu & vehementer, vel valentissimis medicamentis datis, posse purgari, quod de verâ aliquâ inanitione habitus corporis haud verisimile est ; Rursus, fæminæ virique desides & luxuriosi, (inter quos numero magnam urbanorum partem, item literarum

rarum cupidos,) huic morbo maximè opportuni sunt; his adde, ipsius victûs nostri naturam & proprietates, scilicet ex maximè alimentosis, nimirum, carne omnigenâ succosâ & pingui, potioneq; frèquentissimè vel mero vel cerevisiâ valenti; Postremò, vehementi & assiduâ operâ Agriculturæ exercitatos hoc morbo rarò, aut nunquam affici, scilicet, si quid iusto amplius bibant comedantq; istiusmodi homines, id omne iis sudore aut aliter exigitur.

At quî fit, hominem posse affici ex nimio chylo ad multos menses, imò annos? Respondeo, verum venarum chylum purgatissimùmque haud ita facilè disperdi, aut ullâ amplius secretionem naturali multum minui; adeo difficile est chyloso & præpingui spontè ad maciem reduci; Rursus, hoc vitio tentati sibi, & ex necessariorum assiduo & importuno monitu, facile indulgere solent; ut quàmvis cibum eâ ratione, quâ olim, non amplius sumant; tamen jam *disuceptis* & victûs compendiis quibusdam student, scilicet plurimi alimenti cibos & *vinolenta* maximè ingurgitant; à quibus malum indies ingravescit; atque hæc (ajunt) ventriculi culpâ, quem vehementer accusant, fieri necesse esse. At si qua aciditas, aut amaritudo ab eo sentiat, cibi sanè aliquibus aromaticis conditi, potionisve debite putrescentis effectus sunt, haud peccatum. Adeoque ex novo & maximè alimentoso chylo igni fomittem abundè struimus, propriâ scilicet indulgentiâ; itaque rectè aliquibus monitum est.

Hypo-



Hypochondriacos, quibus atra bilis magis redundat, & prædominatur, gravius affici, & difficilius curari, quàm alios.

His ita positis, aquarum quorundium medicatorum Fontium usum præstantissimum in hoc casu facile intelligimus; utpote quæ urinam copiosissimè movent, aliasque sordes vehementer, & ferè sine torminibus purgant, adeoque stomacho, & intestinis & ipsis venis semper aliquid detrahendo nihilque alimenti addendo, appetitum, si quid aliud, revocant; idque innumeris exemplis universi ferè populi abunde confirmatur. Atque is fontium medicatorum usus tam latè patet, & ita cuilibet ex propriâ experienciâ obviam est, ut cæteras quidem ab aquis incommoditates, infra recensendas, vel paucis discernere haud liceat.

Itè ad Cachexiam, id est, corporis malum habitum vel ex alimento, vel ex aliquo morbo chronico, febre aliquâ intermittente putà, scorbuto, hydrope, &c. de quâ re ita sentio. Ubi venæ plurimo chylo, maximè ex vitiosâ aliquâ materiâ confecto, nimirum naturaliter mali succi; item, ubi ipsum victûs genus per se stomachum lædit, malum corporis habitum, maximè urbanis & luxuriosis tandem oriri, necesse est. At super omne alimentum nostrum quotidianum, *Hordeum & mali succi & caco stomachicum* est: Veteres appello, quibus summa fides in his rebus habenda est; scilicet, C. Celsus, Dioscoridem, &c. præter unum Galenum, qui medicamentorum facultatum (ut id hic



hic obiter notem) pessimus exscriptor est, & multa vitiavit ex nimio Hypotheseos amore, quod attento & conferenti facile apparebit) adeoque quò plus istius pessimi medicamenti potui nostro inest, eò plus damni universo corpori & imprimis stomacho accedere, verisimile est, etiam ab ipsis incunabulis ejus perpetuà nostrâ consuetudine & usu non obstante: Hinc tot funera apud nos è Scorbuto & Hydrope, hominum quidem propriâ velut pinguedine putrescentium.

Febres autem Intermittentes à secretis humoribus iisque vitiatis oriuntur; nimirum, ex bile & interdum ex ipsâ pituitâ; adeoque quo sæpius effervescunt illi humores, eo plus damni etiam humoribus radicalibus in venis naturaliter contentis, sanguini scilicet & lymphæ inferunt; etenim omni accessione febrili *la-*  
*teas* plus minus subeunt, ipsasque adeo venas ingrediuntur, sanguinique permiscuntur; unde ipse corporis habitus à propriis humoribus vitiatur: Reliqua autem horum morborum symptomata, hic explicare instituti nostri non est, quamvis ex supra positis principiis nobis id haud difficile foret.

At ubi corporis habitus vel propriis humoribus, vel alimento aliquo inidoneo vitiatur, *Medicati Fontes* remedio apto ferè non sunt. Nam haud semel novi, homines Febre aliquâ Intermittente tentatos, ab iis potatis pessimè mulctari; siquidem à salibus aquarum, etiam si viscera venæque penitus purgentur; tamen humo-

humores secreti, istiusmodi aculeis additis, plus effervescent, necesse est. Identidem in Scorbuto & Hydrope ob eandem rationem ferè pessimè faciunt: hic itaque potare noli, nisi adhibitâ maximâ cautelâ, Medicoque aliquo in consilium adscito.

Ad *Vermes* benè faciunt; illud quidem nihil dubii habet, & quotidianâ experientiâ constat, vermes quoslibet, intestinis infestos, aquis medicatis potatis ejici. Etenim universa salia Fossilia intestinorum vermibus molesta sunt; maximè autem *Vitriolum & Nitrum*, \* ut  
 \* *v. Dioscorid.* hic diutius immorer non est opus.

Item ad Calculum & Athritidem benè facere, vulgò existimantur. At calculi materia præcipua, ut supra posui, è solis aquis, quateus medicatis; scilicet, quatenus salibus nascentibus, adeoque lapidescentibus imbutis, nobis oritur.

Aquarum autem medicatarum, inquires, modus ingens, quâ viscera maximèq; renes & vesica lavantur, calculo deducendo confert; Ita quidem esse potest; calculo hærenti remedio sint: At dum illum exigunt, alios ne gignant, metus est; scilicet, lactearum renumque functiones immoderatis aquarum repletionibus solvendo.

Arthritis autem, certè nodosa, ad calculum quoq; commodè referri potest, neque enim alia uspiam materia est, ejus morbi Tophis generandis, quàm quæ Renum & Vesicæ Calculis; scilicet alimenti nostri materia calculosa à salibus

bus fossilibus nascentibus orta est: Universa, inquam, animalia, ipsæ plantæ, humanumq; genus ex unâ eademq; ratione lapidescunt. Arthritidis autē causa externa est, humorum vasa, at maximè lactea, & lymphæ ductus, labefactata; unde in corpōis habitum admissa, quod prohiberi debet, materia lapidea, in articulis ea dejectitur; nimirum ubi maximè illa vasa angustantur; eademque deinceps difficulter admodum venas sanguineas subit, quod præ reliquis succis gravissimè ex suâ naturâ metallicâ & ponderosâ promovetur; adeoq; in se ferè contrahitur, ubicunq; subsistere contingit, & mox in Tophum ipso dejectionis loco indurescit. Atque ea est, ut opinor, morbi articularis ratio, scilicet succi cujusdam lapidei ad ipsos articulos dejectio: Quàm facilè autem victūs nostri materia lapidea ad ipsa ossa dejici & articulis adnasci apta nata sit, ex eo intelligimus, quod ipsa animalium ossa ad Tophos metallicos accedant; nam calcinata in vitrum liquari possunt; deinde eorum cineres ab omni pinguedine purgati, quatenus ex calce sunt, ex Aquâ Forti aliisve quibuscunq; Menstruis, Acidis dictis, facilè & ex toto solvuntur; nec ipsum quidem Corallium, si ex oleo benè teratur, iisdem menstuis dictis corrodi potest; adhuc, ipsi *dentes*, qui scilicet ex omnibus ossibus *soli* naturalitèr *nudi* sunt, plurimis inter mandendum ab alimento lapideâ crustâ obteguntur; nimirum dentium ossa afficit succus iste lapideus ob quandam affinitatem; non alitèr quàm ipso ferro



ferro cupri vitriolum, momentaneo quodam complexu attrahitur: neque enim alia res est iste amplexus, quàm Petrificatio; quod alibi fufius ostendere meditor.

At ipsa ossa, inquires, membranis suis arctè obvolvi solent; adeoq; à vi succi lapidescentis satis tuto muniuntur; respondeo, ipsas membranas posse lacerari ex aliquâ vehementi corporis exercitatione, aut ex nimia chyli plenitudine ab assiduâ crapulâ; deinde, membranæ ipsâ ætate provecâ attenuantur. Rursus ad Paroxysmum Podagræ excitandum sufficere videtur, si alicubi, etiam ipsis ossium membranis extrinsecus adhæreat lapidescens succus; neq; enim opus est, ut spina v. c. ad ipsa ossa penitus infideat; sed si ad tendinem aliquem, aut ipsam tantum carnem adigatur, & ibi restitet, ad illius partis inflammationem, totiûsque aliquando corporis febrem accendendam satis est.

At vim ossium magneticam ipsas eorum membranas posse penetrare, succumque adeo lapidescentem sibi allicere, hoc artificio constabit. Clavum ferreum vesicâ aliquâ sicca diligenter include, filo collum vesicæ firmiter obstringe; deinde *nativum* Veneris vitriolum aquâ fontanâ ad saturitatem solve: In hunc cæruleum liquorem vesicam demitte; post 14. horas aut circitè cuprum rubrum vere lapideum vesicæ extrinsecus adhærens conspicias. At tu velim similiter cogites de ossium attractione in Arthritide.

Ad *sterilitatem* fæminarum multum conferre a-

re aquas medicatas, plurimi volunt, & conceptionem promovere: Sterilitatis autem Fæminis propriæ plurimæ causæ sunt; quibus equidem mala medicamenta adderem; quorum tamen nostri homines ferè oblitī sunt; maximè quibus *Stemoma* ad Virginum Chlorosin curandam tam assiduo usui est. *Rubigo ferri*, inquit Dioscorides, *potu præstat, ne fæminæ concipiant*; at illam ferri vim ejus sali nascenti multò maximè inesse, credibile est; scilicet, ratione petrificationis, quâ forte tenella virginum ova indurescant aut aliàs vitientur. Cum puellarum verò bonâ veniâ non multum abs re erit, aliam sterilitatis causam humano quoque generi propriam, hætenusq; (quod scio) vix excogitatam, at ferè indelebilem indicare; atq; ea quidem non Petrificatio est, sed illi admodum affinis; scilicet, Cicatrices, Fæminarum Ovaris, si non ipsis Ovis à variolis, penitùs latèque insertæ. De maximè autem internis variolis, nemini dubitare fas est.

Atque hæc hætenus tam de Calidis, quàm de Frigidis aquis nostrorum Fontium medicatorum intùs sumptis, quatenus scilicet ex iisdem metallis oriantur, intelligenda sunt.

Thermarum autem usus externus ad Balneas jam paucis explicandus est.

At satis supèrque credo, sufficiant quæ ferè infinitis voluminibus tam à veteribus quam à modernis de Thermis usurpandis scripta sunt.

Generatim autem Nervis profunt: Item Luxatis, Fractisq; Priyatim Ulcera & Scabiem sanant.

Bal-



Balneationes autem & Unctiones ex veterum Doctrinâ, externis partibus optimè adhibentur: quod ad ipsum corporis habitum facile penetrant, etiam medicamentorum facultatibus ex integro servatis; cujus quidem rei illud argumentum est, diu morantes in balneis copiosè mejere. Sterilitatemque adeò fœminarum inprimis tollunt; scilicet ipsarum uterum penitus pervadentes subtili quâdam aurâ: Id quod Martialis lepidò hoc Epigrammate optimè exposuit.

*Castâ, nec antiquis cedens Lævina Sabinis,  
Et, quamvis tetrico, tristior ipsa viro;  
Dum modo Lucrino, modo se permittit Averno,  
Et dum Bajanis sæpe, sovetur aquis:  
Incidit in flammâs, juvenemque secuta, relicto  
Conjuge, Penelope venit, abit Helene.*

\* Aph 16. Quæ autem Hippocrates\* contra  
S. 5. monet, veterum quotidianum intemperantem usum maximè respicit. Calidum, inquit ille, frequentiore usu hæc invehit incommoda, Carnis effæmationem, Nervorum incontinentiam, Animi torporem, profusiones sanguinis, Animi deliquia, ad quæ quidem mors; idq; inculco, cum viderim Bathoniensium aquarum perniciosissimum usum apud nos quoque obtinuisse; scilicet, diu in aquis calidis immorandi; etiam veterum ad multa utilissimâ, unctione utique omissâ.  
Sed manum de Tabulâ.

FINIS.



te-  
hi-  
cile  
ti-  
lud  
co-  
na-  
um  
Id  
pti-

rno,

Ro

ntra  
in-  
spi-  
hæc  
em,  
em,  
ad  
rim  
u-  
diu  
n ad  
â.